

T5236.0/4432

文翰類選大成

28

文翰類選大成卷第六十八七言律目錄

國朝

朱彥昌七首 吳溥九首 王佑計二首 劉彥昂六首

吳岱一首 練高一首 楊士奇計五首 沐昕三首

胡濙一首 王達三首 姚廣孝四首 夏原吉六首

王行一首 史願三首 秦師尹三首 張適一首

黃常一首 謝璠樹一首 許如心一首 朱元實一首

王惟允一首 賀言二首 偶武夢一首 周子羽一首

張著四首 唐允銘一首 吳文泰二首 袁舉一首

繆伯雨二首 施正一首 葉濕一首 童冀一首

趙沔二首 王蒙三首 鄭允端二首 金武石一首

王濬一首

哈佛大學哈佛燕京圖書館珍藏印

荒基上猶有精魂在上頭

題匡山

天作高山壯此邦東南形勢更無雙
氣鍾神秀采三變勢壓鴻龐跨九江
翠影落湖翻倒影銀河垂地瀉流淙
不知烟雨樓臺寺幾處鍾聲夜半撞

贈劉行人回朝

王事驅馳不自寧皇華原隰馬駟
九重天上瞻卿月五色雲中識使星
霜落芙蓉深淺水風高楊柳短長亭
歸時敷奏龍廷後太液鶯聲正好聽

題詩巢

騷人木末結蘄茆意味孤高絕俗交
勾引松篁同唱和網罟補戶自推敲
半空險語驚山鬼八詠清風落相梢
煉得吟身

如鶴瘦時將飛興動江郊

奉送二令王公朝覲

聖主龍飛統九圍萬方述職會京畿
山河大地朝滄海星斗中天拱紫微
晴雪花間鷓鴣立朝陽樹裏鳳皇飛
好陪壽后同敷奏佇待沾濡雨露歸

題黃仲禮夷山歸隱齋

畫眉遙憶故山薇茆屋何年隱翠微
松菊開心陶令去尊罍適意李膺歸
鶡冠林下時常着鳧鳥天邊久不飛
料得夷山山下路冷猿秋雁怨斜暉

寄謝陳用晟惠烏紗巾兼簡張禮部

京國烏紗異白綸寄將千里見情親
煮茶雪屋籠頭煖灑酒茅堂撲面春
墊缺豈能驚世俗歌斜欲忤情誰人
醉眠脫掛

三花樹夢到一處壁水濱

題高將軍鵬遠遺像

毅勇名成百戰功後

龍飛渡大江東超然志出伊吾北宛若神存阿堵中寶氣已埋豐獄劍精靈寧泣昂湖弓丹青若寫凌烟閣不愧褒公與鄂公

悼鶴

仙禽羽化入冥之空想飛魂尚在陰赤壁江寒那有夢青城天遠杳無音忍言骨酪堪為笛每遠庖厨肯劈琴愁殺山人眠蕙帳夜深誰伴野猿吟

詠湘竹蕭

泪洒琅玕迹尚存截筒猶是只龍孫腔翻蕭史神仙譜愁絕

娥皇姊妹魂六孔恍短嬌靨潤幾斑淫帶粉香温莫教月白風清夜吹向湘江水竹村

題高斗瞻所藏畫

畫裏有詩題不盡詩中有画意難描天機藝絕人間巧風雅音從世外超謝氏池碧生蔓艸王維霜雪寫芭蕉履看老眼摩挲看空使高情嘆寂寥

謝李原明惠艸書

投我千金琬琰文愧無雜珮與鷲群光生韋陟玄雲及色漆羊欣白練裙筆落鳳鸞風翕忽墨涵龍氣霧氤氳共嗟槐市增高價珠重斯文播遠芬

環溪亭

一曲清江抱画欄八窓如在落星灣紅塵隔斷花香外白鳥

飛來鏡影間。蚪斗舊藏書。帙淨蜻蜒長立鈞。絲閑何由動我
山陰興。却棹扁舟。雪夜還。

詠鉄簫為傅彥先賦

一瑄輕虛百煉成。鳴々如竹有餘音。吹飀每應西方律。奏凱
終懷北鄙心。金氣夜流蛟壑舞。商聲秋繞鳳臺吟。何當邀弄
黃樓月。天近銀河漲滄陰。

題四皓圖

秦人鹿走望夷宮。天下紛紛競戰攻。赤幟威加滄海內。紫芝
香滿白雲中。孰憂駟馬高車惠。肯報卑辭厚禮功。若使後人
皆右袒。画箇千古愧清風。

花影

名園晴擁萬天姝。紅粉流成水墨圖。不峽行雲春窈窕。馬驚

妖血暗糝糊。風來始覺搖香夢。月落方疑是幻軀。幾度黃昏
龐也吠。輕羅襪步瓊瑜。

祝潘太守

睿想深為宰輔期。空聞星使日交馳。宣風舊被文翁化。遺愛
今懷杜母慈。三晉月明迷蝶夢。七閩天遠泣羊岐。群城擬作
襄陽道。早刻羊公墮泪碑。

題徐九昂水雲閣

南州高士好樓居。山色湖光畫不如。天影遠隨秋水盡。月波
翻映夜窓虛。濯纓濯足隨清濁。閑往閑來任卷舒。最是晚涼
簾捲雨。一聲長笛雁來初。

題湘妃鼓瑟圖

雲黯蒼梧輦路賒。忍將瑤瑟逐天涯。朱絃哀怨龍髯遠。玉柱

參差雁影斜涕泪尚餘江上竹音容空想水邊花九疑山色
擯眉黛猶似含顰望翠華

題饒仲恭博士十二時龍首

群龍同日奮南溟疑與當時集四靈雨氣模糊鱗鬣動海波
簸蕩水雲腥九陽豈是尋常物六位流成十二形只恐怪風
狂電夜一聲霹靂上空冥

贈道會余志清領職歸宜黃

羽衣來自五雲端勅賜黃麻墨未乾梅福南昌成吏隱
葛洪勾漏本仙官一声白鶴橫江夜三尺青蛇出袖寒歸到鳳
山春滿屋絳桃花發綠江干

褚被

一幅真純織不成寒波濯滌絕纖塵白雲影落不離崖夜晴雪

光涵斗帳春擁鼻想無天上夢禦寒偏濟世間貧要知誰
同清苦窗外梅花是故人

題頽上人聽泉軒

上人洗耳聽清泠非為官商協八音山雨震凌浮泗磬松風
戛擊斷紋琴波瀾不動禪心定脉絡流通覺海深欲借蒲團
半榻一窓涼月夜沉沉

題桃源畝

當時秦鹿走中原天下紛紛孰可論黔首已沾新雨露白雲
猶隔旧乾坤水流花謝長三月犬吠鷄鳴自一村我昔荆湖
詢往事茫茫煙浪幾黃昏

題老子燈

帔衣竹杖舞蹁躑心自虛靈壽八千半夜東風吹白髮一爐

真火煉丹田點頭會識人間意不語能參物外禪過了上元
高掛起與君相會又明年

贈御史大夫鄧公西征

今代麒麟第一功從龍飛渡大江東彤弓錫寵專征伐鉄
券銘勛誓始終龍虎親軍遙動地鳳凰臺閣遠生風不知
下誰叅佐珠履三千盡石洪

玉堂齋宿

吳溥

重裘不受雪寒欺夜色沉之景漸移天近

玉堂人語靜

月高金闕漏声遲棋臨殘局機尤密詩到終篇句益奇但願
共今夕清歡長不負心期

燈夕賜宴二首

天開義之壯九重五雲深處嶺鰲峰花開錦樹春如畫漏下

金壺夜未終

聖主當天調玉燭近臣傳 詔賜黃封

國家景運當全盛舜日堯天喜再逢

五色龍光燭殿紅星橋千尺駕長虹神仙夜降雲霄外人物

春行錦繡中月影漸高双闕迥

天顏有喜萬方同微臣祿食慚無補願和康衢壽

聖躬

騶虞

曠代空聞義獸名盛時方覩貢 神京千年瑞應從天降五
色文章炫日明香霧晝眠靈囿暖落華春踏玉堦晴西周仁
厚今猶昔願把周詩日載賡

題松溪閣

溪頭流水練光寒溪上長松雪未乾無事儘從閑處樂有言
時向靜中看風迴陰壑泉聲急月轉清旂樹影團幾度客來
門未啓呼兒急為整衣冠

送左仲威還臨川

擬峴臺前江水深故鄉日夜繫歸心細看遊子班服摠是
慈親密針雨後叢蘭含紫茁日長脩竹轉清陰家庭勝事
皆堪樂到日先須寄好音

送翁教授之官安陸

聖朝清選屬儒冠鳴鐸俄聞向德安講席晴薰花氣暖硯池
秋浸墨光寒興來細和青我竹老去仍甘首霜盤更築草堂
栽五桂花開長共故人看

十二月廿四日宿呂梁洪是夕風雪大作賦此以備岑寂

洪河風雪浩漫天客裡逢春倍惘然白首為郎過六考丹心
報國願千年醉題詩草仍須吹坐看燈花誰忍眠料得閨

中小兒女焚香日日卜歸船

別鄒宗獻

宦路驅馳已十年言歸此日興翩、山田稻熟堪為酒野澗
魚肥不取錢花逕雨晴宜散步松窓日午任高眠家藏更有
新篇在留與雲來百世傳

望湖亭

王佑

吳城高處望湖亭天影低垂入杳冥江合東西成巨浸川分
清濁會滄溟夜寒機杼鳴蛟室晚霽帆檣集鴈汀頗恨登臨
情不盡廬山雲掩半邊青

望九江弔李子威

長淮千里暗風塵獨守淝陽實要津天下揔知先隕首江西
可恨已亡唇孤城戰伐生春草遺廟經過薦多顯元代科興
三十載狀元報効見斯人

小孤山

彭蠡東來一片山兩崖屹立水雲間乾坤闢遣孤柱一江漢
朝宗會此關春雨魚龍隨變化秋空損狄怯躋攀今來古往
俱陳迹惟有潮頭到復還

過安慶吊余廷心

左轄當年鎮皖城江淮千里日交兵四方共倚雄藩在一木
孤撐大厦傾高節分明成蹈海奇才磊落見行營至今書疏
留遺恨丞相旌旗不遠征

夜宿臺中明朝拜封岳瀆詔

城闕深沈夜氣寒月鉤初上碧雲端羽林侍衛羅千士粉署
趨朝宿有官銀鑰已橫金瓊闥絳紗遙度玉闌干明朝岳瀆
頒封詔四海神人認奠安

過臨臯驛賦簡胡子祺

晚涼官驛過臨臯訪古遙瞻赤壁高粉堞浮雲生暝色長江
明月照秋毫洞簫吹徹東坡賦宮錦裁成大白袍便好與君
沽美酒中流擊楫酌英豪

謁狄青廟

夜入崑崙破敵關長驅駐節望仙山兵威已振要燕肅寇首
寧容大理還春雨蘋蘩遺廟在夕陽草木戰營閑將軍千古
平蠻績馬援真成伯仲間

贈別裴伯升

清江科第旧名家千里初乘出使槎
離別可憐芳草色淹留又過刺桐花
香爐烟底晨趨珮畫角聲中莫散衙
歸到柏司頰問信相思雲樹海天涯

潯州司中

青山積翠壓城頭四月高堂氣似秋
藤峽西連搖洞險柳江下合鬱林流
茅茨繞郭炊烟起榕葉盈庭宿雨收
昨日立階雙拜跪安南貢使入中州

彭澤懷陶靖節

彭澤江皋五柳春維舟幾度憶高人
孔明千載當為友劉裕終身不得臣
酒熟歸來從醉醒詩成贈答到形神
當時笑傲東籬下祇許南山日夕親

湖口驛寄家書感懷

湖口垂楊古驛開西風重繫采舟迴
月浮彭蠡玻璃碧雲滿廬山錦繡堆
見鴈謾題千里字買魚且醉九江盃
故園三徑存松菊得似淵明歸去來

先祖父諱日宿青城哀感

青城山縣懷先德萬里江南未得歸
手澤至今存典籍容顏無復見庭闈
鄉筮宿草荒春雨蜀道摧林澹夕暉
兩袖東風歸騎遠傷心惟有淚沾衣

和九日韻寄朱見中二首

劉彥昂

野樹荒高帶晚陰昔年歌舞憶登臨
桃花紈扇西風冷蔓草銅駝夕露深
旧夢青雲連館閣多情華髮老山林
江南屢信傷秋倦疎雨蒼櫂怯莫砧

憶從天上宴黃花烏帽秋故髮影斜
宣賜宮壺香酒幾醉簪

絲筆墨塗鴉雲連雉尾開金闕日射鸞輿引翠華退食後容
休沐早短屏驚雨夢還家

弔杞上人

重來湖上弔山僧淡落東風憶葛藤江海有詩傳慧可叢林
無法繼盧能草深方文迷春袞塵暗袋袋掩暮燈因憶沔陽
錢太守芭蕉亭上賦詩曾

左掖早朝春雪呈王子充待制練伯尚左史

勝龐苑樹紫雲低漏轉宮壺曉色移凍合鳳池銀燦爛光連
鴛瓦玉參差黃封暖賜承

思近絲筆寒髮待講進絕愛上林春色早瑤花先發萬年枝

次秋日韻奉汝弼林二首

墨池秋淨水痕澄曲几焚香袖手憑霜熟柳條清栗里雨荒

瓜蔓覆東陵戰餘趙壁車還列說下齊山獨第因憶少年

隨驟駢西風笳鼓醉呼鷹

三徑歸來菊未荒半凋楊柳弄初涼銀屏紈扇題秋句金鴨

羅衣換夕香老憶風雲趨北關夢無花月待東墻狂游尚事

秦樓別翠袖紅綿拭淚行

小孤山 吳岱 字魯瞻 番禺人 任州判官

小孤屹立大江東一氣流形勢獨雄山接天恒天柱穩水傾
漢蜀海門通彭郎磯出烟波外仙女潭深霧雨中舟艦云來
平似砥應思大禹有神功

寄參謀劉彥昂行軍已度劔關次韻志喜 練高

遙駐旌旄已渡瀘壩燧父老牙前驅幙中司馬徵韓愈灞上
將軍詔亞夫金甲瑯弓朝洗箭銀燈虎帳夜投壺應知橫槊

雙詩處錦瑟疑歌翠袖扶

東郭草亭

楊士奇

帝城南畔尋章曲浩蕩風光三月中
衢路塵埃過雨淨林園
花樹競春紅主人置酒興非淺
衆客題詩歡不窮一杯一曲
日西下莫待銀蟾生海東

陳氏環翠軒

瀟灑軒居裴作園遙看蔚蔚又霏霏
濃含野樹晴如滴亂濕
山雲曉不飛綵服裝輝當舞席
牙籤分映滿書帷湖波近繞
闌干曲更詫新荷好製衣

從狩陽山和胡學士韻

王師晨櫛大江東文武千官扈
從同萬乘旌旗隨玉輦九雲
鴻鶴遊彤弓青山半掩浮嵐白
坦嶺深流落葉紅甘露滿林

歌瑞應知君能賦檀才雄

尹道冲八十受封

蕭散春秋八袞高少年曾署華州曹

恩封初出麒麟殿宮錦新裁解
易袍玉屑丹砂和石髓青山
碧樹映林泉仙人自在烟霞外
五色凌雲有鳳毛

滁州陪獵次林先祿韻

日華朝映彩雲西紅樹青山望不迷
且網合圍笳鼓振戈矛
分隊羽旌齊歡呼春動三軍色
騰踏風輕萬馬蹄侍從如雲
陪樂事郊原霜淨不沾泥

松居為餘杭詹道士賦

紫霄玄居靜不扃長松如蓋對
亭之深涵雨露千年潤高拂
烟霞萬仞青仙子時來下白鶴
道人晝坐詠黃庭會當天柱

峰前去共汲丹泉煮茯苓

早入天壽山候陪祭長陵

萬里蒼梧去不還宮車千古闕橋山日華間映芙蓉殿雲氣
深連虎豹關扶病此時瞻玉几傷心何處望

龍顏遺臣泣盡餘年淚天上烏號不可攀

夢行儉初度并贈禮闈校文之行二首

三朝冠紱殿東頭人物當今第一流銀漢奎文光午夜玉壺
寒露烟清秋終知鼎鼐歸台輔共待經綸闡大猷二月

帝城春似海壽筵先醉紫金甌

三載興賢選俊英九重宣詔付銓衡從來節操推公道况是
文章檀老成春院下簾心獨苦夜燈開卷眼偏明掄才為國

真無忝預詠崑萊頌

懷來應制

看江碧海被岩阿流水青山畫再過田事總知今歲好

况比昔年多彩雲飛蓋隨雕輦白玉行尊載紫駝

聖主時平此巡省會聞游豫出謳歌

謁長陵

憶昔

六龍升御日最先承認上鑿妓論思虛薄年華遠霄漢飛騰
寵命多空有赤心常捧日不禁清泪欲成河

文孫繼統今明聖供奉無能柰老何

謁獻陵

海宇洪熙載

至尊愚臣殿陛最蒙恩常依黼宸承

清問每荷 綸音獎直言萬古茲山藏玉劍九霄無路從金
振餘生莫罄消埃報血泪橫膺不忍論

晚同宗豫少保自孫莊先行詣清河途中奉寄勉仁
少傅弘濟太常

載書先發赴前營雨霰飛埃晚更晴人喜望家三舍近焉知
歸路四蹄輕風飄點點溪花送日射行野樹鳴却憶今霄
擅帳底翠壺紅燭伴双清

至清河時彥學士約攜酒見候

二月隨銜三月歸近瞻城闕五雲飛桃溪深淺紅相間麥龍
高低綠漸肥出郭故人期載酒迎門稚子候牽衣登山臨水
多高興未抵抽毫侍 禁闈

送熊都御史際之任

奉使歸 朝賜豸冠又銜 丹詔出金鸞三年吳下風霆肅
六月江南冰雪寒白簡春陽回筆底青山爽氣近檐端明時
勛業湏才傑翹首聲華久遠看

九日登鳳凰臺 沐昕字小異與王子驎馬都尉字清樂道人

旋解金龜換濁醪鳳凰臺上好登高三山景物鍾神秀六代
英雄盡野蒿秋滿関河清客思天開畫畫壯詩豪憑誰喚起
陶元亮管取毫端有鳳毛

和周先生除夕對雪寄同志

六出花飛白下城都門曉望玉為京光凝劍珮如冰潔凍合
川原似掌平寶馬香車還舊轍鳳笙龍管有新聲心馳北闕
彤庭下 萬歲班中已五更

賀熊都御史元節之任

新承寵渥出神京，攬轡應知四海清。
鐵面豸冠威望重，綉衣驄馬紀綱明。
動搖山岳姦心破，接武夔龍鬼膽驚。
臺閣風生霜滿地，豺狼從此不縱橫。

送熊大理陞右都御史之南京

胡濙

新拜除書下，九重太微執法見。
褒崇聲馳海內，風霜肅威振臺端。
地位雄治，水尚餘前日澤。辨冤猶記舊時功，相期好展澄清志。
鸞誥輝煌孰與同。

賞牡丹

王達

字達善，号嗣庵，無錫人，翰林學士。

對客評花酒滿斟，花前停筆費沉吟。
風褰翠幄春寒嫩，露洗紅綃曙色深。
造化栽培知有意，平生富貴出無心。
閒遲免得群芳妬，一片晴霞破綠陰。

題画

一曲清琴酒一卮，烟蘿贏得任栖遲。
千峰黛色嵐消後，十里菱花子結時。
水氣入樓人不覺，秋聲到樹鶴先知。
世無謝朓誰同語，對画空成萬古思。

贈天台葉怡仲

奉詞

幾年臺閣舊曾聞，千古班揚喜復存。
花裏朝天超玉陛，月中聽漏出金門。
清時久擅南宮樂，後輩俱瞻北斗尊。
對酒燈前莫辭醉，驛樓風雨正黃昏。

龍翔宮

姚廣孝

琳宮虛爽接薇垣，玉樹陰深隔市喧。
日轉松壇人影寂，春回花殿鳥聲繁。
仙乘風去開環室，龍帶雲歸鎖洞門。
福地年來猶落寞，冥人間消息底須論。

京口覽古

譙樓年來戰血乾，烟花猶自半凋殘。五州山近朝雲亂，萬歲樓空夜月寒。江水無潮通鐵甕，野田有路到金壇。蕭梁事業今何在，北固青樓客倦看。

寄虎丘蟾書記

聞道蟾公似贊公，一瓶一鉢寄山中。雲封羅屋長疑雨，泉響松岩半是風。履破只緣行脚久，囊空非為作詩窮。遙思短簿祠前夜，共聽寒鍾出澗東。

次韻答天平復庵師

清晨荷笠出江城，乘興來參肯待晴。雲起東山蔽剎影，水流西澗帶鍾聲。茶燒活火嘗新味，詩寄長牋寫舊情。便欲泉頭分半榻，相依談笑盡餘生。

獸頭

亦非獸頭角生，人離不向草芽誇。氣象却於儀昂之飽，歷風霜。然長承雨露滋，寄語飛。

不相近莫相疑

問姮娥

將盃酒問姮娥，月殿迢迢路幾何。玉斧脩時誰幹運，金臺食後孰揩磨。明皇秋夜遊來否，太白當年捉得麼。我欲乘風攀桂子，霓裳肯為舞婆娑。

姮娥答

獨宿蟾宮春復秋，雲泥相隔路悠悠。悔明有數非臺食，圓缺惟時豈斧脩。影投水中人自醉，魚懸天上孰能遊。欲攀桂子觀仙舞，須覓靈槎祀斗牛。

過太湖

遺了二山

滔之綿亘五百里三萬六千餘頃寬衆瀆西來天設險三江
東注海飛湍影搖霜橘金千樹光浸寒蟾玉一九欲問陶朱
在何處白鷗無語水瀟漫

鴈字

鬣之霜毫抹綠烟等閑畫破碧雲箋字真不草長空外欲斷
仍連落照邊體妙自殊沙上跡勢高寧似酒中顛恨無指素
如天關寫出黃庭與世傳

謝友人惠冬笋

帶雪袖來犢角長筠筐封惠負湘錦襖乍剥稜之瘦玉板
輕批片之香孝子不勞林下育老親深喜客中嘗明年此際
應仍有還肯相思寄遠方

贈地理師 王行

半

素業承家學有師江湖聲譽日聞知風生客座談天處雲滿
山衣相地時已向支干搜匪心秘更於龍虎探幽奇何當示我
青囊術為尔憑軒一賦詩

雨中感懷二首

史以字希程松陵人

白日西飛水自東乾坤浩大恨何窮無梯可覓短娥月有術
難乘冠禦風帝鴻一聲春雨細青山萬點酒盃中王孫去後
多芳草腸斷江南鶴髮翁

豫章出地豈凡材嶽為冠楚沖天久不來商嶺茹芝人已老天台
采藥客空回寒雲古木凌烟閣落日西風戲馬臺宇宙百年
同俛仰千山何事獨興哀

虹橋晚興

垂虹橋下波濤壯人在鼉鼉背上行落日帆檣迴水驛春風

鼓角動江城
鮫人織打漚
蛟泣成卒
彎弓過鳥驚
七十二峯
烟外碧
臥聽仙客紫
鷺笄

朱孟泉望畊軒 秦師口 吳城人 訓導

幽居窈之樹
疎之滿壁雲
山盡上
西窗心逐斷
鴻歸百越
身隨
長欽住三吳
異鄉禾稼
看類穫
故國田園
恨久蕪
絲服還家
應有日春風
依旧樂畊鋤

賦得杏柳同芳

翠烟漠之映霞光
為柳
朝東階
香芳紅褪
不愁欺
臉淡青新
應喜交眉長
離心贈
多臨路
春色撩人
半出牆
却憶去年
遊樂日
酒村行過
又陶莊

陪諸友遊西峰蘭谷

曉起呼童背錦囊
溪村深塢
紆尋
以負細草
溪頭
軟坐愛

長松樹底涼
烟起竹窓晴
焙茗鍾鳴
山寺乍焚香
石間更欲
留名去
不覺孤城又夕陽

江館漫成

張適

字子宜 号甘白 先生工部郎中

鷄犬相聞自一村
兵餘禮俗幾家存
蕪葭渚冷哀鴻度
禾黍
場空凍雀喧
三策徒勞懷董子
一狼誰復念王孫
江天悲感
年將暮
雲樹離之欲斷魂

客中初度

清時遁迹見非才
茅屋秋深坐草萊
貧為無田心獨泰
衰因
多病髮先催
江天白鳥留予狎
家園黃花待主開
自愧年來
初度日常叨
旅次故人盃

題包師聖鶴洲卷

黃常

字亦彛 江陰人

白石山人隱者流
閑隨海鶴步滄洲
羽衣編映芙蓉晚
丹鳥

香飄社若秋仙夢和雲過赤壁簫聲吹月勝揚州鞞鞞思得
身長健與尔亭前狎鷺溫

秋日遣興 謝瑀樹 毘陵人

奔走人間四十年隨身鐵硯一青瑣瑤堦未對三千字碧海
空瞻尺五天賈誼長沙淹歲月社陵夔府老風烟倚闌讀罷
歸田賦腸斷青山落照邊

次張大年韻 許如心 江陰人

喜無車馬過柴門絃誦琅之竹樹村魚躍亂流時倚杖鷺啼
新綠晝移尊長才自有高人識清事還同野老論回首故鄉
春色外風烟寥落幾家存

蒲城寫懷寄元鼎元朴士銘士堅諸弟 朱元實

菲材叨擢守蒲城半載猶慚政未成願竭忠 勤宣

聖化敢無寬惠恤民情天高鳳關心常恋風冷鵠原夢亦驚

故國未期歸畫錦但將清白振家聲

過揚州 王惟允 無錫人寧州同知

華屋朱簾十萬家春風吹盡舊繁華田連野色惟殘蝶應谷
江聲有亂蛙明月樓前沽美酒普籬觀裏看瓊花我來漫憶
曾遊處立盡斜陽一嘆嗟

園中早春劾王建詩 賀言 字公宣姑蘇人大理評事

春到梅梢纔半月柳含春色已三分看花自覺今朝懶問學
還知往日勤惠茗僧來因乞疏送緡客至為求文自後歸後
交游少芳草初長不用耘

贈劉道士

玉宸朝退下天壇暫駐雲軒跨翠鷲瓜棗兩餘將落盡仙桃

歸後已偷殘五千言。罷爐烟冷九返丹。成龜火寒我欲從師。求不死。舉頭滄海但漫漫。

酬嚴文昌見寄 偶武孟 崑山人

憶君幾度夢相逢。步驟何時躡舊踪。石榻烟霞空自掃。夜窓樽俎與誰同行。看山嶂開窗。画卧聽松濤。雜鼓鐘。慚愧平生才力短。和詩還藉擊愚蒙。

周履道徵賦梧桐月 周子羽 号卷齋 無錫人

雲捲清秋。畫角悲梧。桐滿地。月明時。斜穿翠葉。通銀并。化作金波。落硯池。青女莫驚烏鵲。夢素娥。偏惜鳳凰枝。故人有約。來何暮。獨立空階。影漸移。

中秋與楊氏諸昆季泛舟鷺津

八月十五夜。何其鷺湖漾。舟人未歸。水生金浪。蕪天湧。雲度

青冥傍月。鴻雁沙寒。微有影。芙蓉秋冷。不成衣。故人一去

渺何許。黃姑舊機。今是非。

初百 書懷寄林彥祥 張著 字則明 蜀川人 臨江同知

坐閱詩書日。幾行蕙花老去。荒相忘。林塘過雨。綠陰潤。窓戶含風。白葛如。試買江魚。沽濁酒。暫教童子學行。鴈孤懷如此

誰能慰深愛。柴溪處士狂。

碧筍 飲与王元凱推官同賦

石眼冷。象鼻寒。銀河倒瀉。碧雲端。琅玕影動。擎天柱。琥珀

風觸。直待長鯨一吸乾。

文君當爐

印市上。柳低垂。釀熟蒲萄。客未知。影隔朱簾。明白茅。手提

銀釜絡青絲。消花風煖春生臉。新桂烟寒翠斂眉。慚愧相如。親滌器琴中。曾作鳳凰詞。

次金別駕春懷

御溝欲綠凍未消。不惜尋芳去路遙。細雨杏花韋曲樹。東風楊柳灞陵橋。曲回苑外疑禽噪。樂度雲中想鳳韶。回首向來歌舞地。夜深銀燭更誰燒。

上張天師 唐允銘 吳陵人

環珮珊珊下九垓。大江烟水載樓船。霞綃旭日青雲客。玉貌春風紫府仙。寶劍氣騰龍窟丹。書光動鳳凰箋。山中宰相家聲舊。閑闕門高幾百年。

酬陳孟敷見寄 吳文泰 字文度 石湖人

南浦蒹蕪生綠烟。憶從分袂是何年。歸來還對山中月。老去

惟耕隴上田。幾樹蟬聲涼雨後。一川霞彩夕陽邊。思君東望堪乘興。潮落晴江好放船。

憶昔

黃沙磧外絕烽烟。黑水移屯記昔年。四野寒雲風作陣。千山凍雪玉為田。單于不敢來窺塞。充國猶聞遠在邊。好是鱸魚動歸興。秋風吹著李膺船。

秋思呈包鶴洲 袁舉 字仲徵 江陰人 同訓

昨日西風入。珊瑚簫。秋思動。庭柯流。年暗度。安期叟。未路驚逢春。夢婆繞屋。閑雲隨杖。獲滿天。明月自弦歌。踈狂莫笑。浣花老我。與世違狂更多。

吹簫美人 繆伯雨 琴川人

待立樽前。拾遺香。能將紫竹按宮商。清声乍發。朱櫻破。雅調

頻更玉笋忙。翔鳳來儀風漸。潛蛟起舞月蒼。安其斜斜。餘音歇。座上司空亦斷腸。

紙寫

群兒仰羨意拳之尺楮猶能得矣天日底影翻蒼鶴翅風前
聲奏玉琴絃放收自縱中心樂高下常隨一手牽絲線斷時
留不住此身飄落向誰邊

辭糧役後閑居白坊喜樓甥兄弟至

施正 字士政 長州人

塵羈脫得遂開心肯向明時嘆陸沉紫陌鶯花醒舊夢白坊
風月費新吟海塵高士攜琴訪又喜賢甥載酒尋老我已拚
擗散弃青年須勉惜分陰

洪武丙辰謫至蘭州

葉湜 字仲記 天台人

完城壁立建重藩星散人家住遠村山北水南通朔漠河流

曲折下崑崙音書已隔三河道風景偏消渴客魂回首天台

河處是塞門烟雨又黃昏

送蘭縣主簿駱可久調任納溪

蘭道南薰六月涼宦途迢遞道炎方子雲旧宅風烟古諸葛
遺祠草樹荒百里暫淹騏驥足九霄終覩鳳鸞翔買臣大老
之然就遲子歸來館郡章

韓信廟

童冀 字中州 金華人 教授

淮陰事業已荒涼猶恨封侯在故鄉古廟有碑眠宿雨長陵
無樹掛斜陽曾聞杖策歸真主安用論功覓假王千載是非
殊未定興亡回首事茫茫

省朱文公祖墓

趙訪 字子常 東山人

積篋千峯一嶂開乾坤間氣此胚胎百靈受職環真宇五緯

回光拱夜臺魯國共悲祠廟毀閩關不見子孫來干戈示息
諸生老獨抱遺經詠七哀

題九龍菴新樓

樓觀憑虛倚玉臺遠涵空翠絕浮埃璿璣宵轉星辰近沆瀣
朝盈戶牖開雷劈蒼崖龍起立風翻碧海鶴飛回仙家自信
吾長好應笑胡僧辨劫灰

釣臺

王蒙

字仲明
吳興人

雲臺圖寫中興功豈識羊裘道世翁
天上星侵帝座人間無兆獵非熊
一竿釣雪誰堪比九嶷連鰲志不同
寂々兩崖懸日月後今千古仰高風

閑適二首

綠楊堪繫五湖舟袖拂東風

小樓晴對遠浮青嶺

晚帶白雲添古今我愛陶元亮鄉里人稱馬少游不負生正

一杯酒相逢花下醉時休

自笑愚公住翠微長年無事掩刑扉苔深綺閣開棋局花落

巖陵旧釣磯紫水旋春明日飯白雲堪制暮春衣溪南千樹

碧桃下醉倒東風夜不歸

哭兄鄭仁里先生

鄭允端

字正井吳縣士
人施仁伯之妻

眉壽纒登五十齡胡為一疾便凋零
友于愧我無庭訓士類於兄失典刑
史館已書高士傳里人猶仰德星亭
可恨無子傳家學空使平生醉六經

梅花夢

自抱平生鐵石心分明夢裏去相尋
此山流水依然在冷蕊疎枝半不禁
萬籟元声春寐々一塵不起夜沉沉
無端羣鳥

采鷺覓枝上間關弄好音

解官北還示五羊士友

金武石

燕山人
太守

小小輕舟掛短篷來時行李去時同已無
端硯留囊底那有沉香棄水中
功業要追循吏傳襟懷深有古人風
絲絲漚波瀾合撫劍長歌問太空

送趙僉憲之官河南

王瑩

寧波人
肇慶知府

朝幾度聽鳴珂近喜分符出禁坡
十載五臺馳譽早

九重鳳閣沐恩多都亭落日清尊倒
汴水東風彩鷁過瀋泉

只今勞

聖慮激揚看報欲如何

八翰類選大成卷第六十九七言律目錄

四朝

王汝玉

五首

滕用亨

二首

胡儼

十九首

楊榮

一首

金幼孜

八首

鄒緝

六首

王焜

四首

黃淮

一首

湯宗

一首

胡廣

十六首

潘景昭

一首

沈度

一首

曾棨

二十首

同

黃裳

一首

胡子昂

一首

唐泰

一首

王進

一首

沈紱

二首

林環

二首

毛鉉

二首

唐之澤

二首

虞謙

一首

吳中

一首

周述

五首

陳遜

一首

祝盛

二首

余鼎

五首

王英

十首

古亦稀綠水蘭舟江上發秋風華髮浦陽歸懸知總關心應
切夜之山中夢紫微

送王孟端隨駕之北京

龍馭時巡幸北京屬車侍從魯諸生周廬未徹前茅起磴道
新開輦路平星拱紫垣嚴宿衛天臨華蓋肅行旌馬卿素抱
凌雲思應有詞章頌
聖明

客懷

水流花謝愁無情臥病漳濱百感生自笑田園荒舊業却將
文字覓虛名春來又見群芳動老去都無一事成故里鶯花
應念我行將長揖謝公卿

訪故人樓文淵余將之京就以詩別

一別華亭不記春相逢翻訝是前身眼中世事非當日海內
心知有幾人羨子栖遲應得志慚予浩蕩尚迷津明朝文謁
神京去夢繞鷓邊草色新

賀平安南勝用亨

聖朝萬國悉來王何事蠻童敢肆狂親命拯我勞睿筭已伸
天討靖炎荒萬家民庶沾

元宵在黃庶子宅賞荷花燈次韻

剪穀為燈製度新雙葩紅白炫初春光含星酌明如畫影徹
綃房迥隔塵預席松多攀桂客聽歌還憶來蓮人夜深舉首
停杯看不覺煤花細點巾

從征交趾勝捷

胡儼

明命恭承出九天靈旗快指海南壘風馳瘴雨蠻烟外令肅
炎荒火澁邊首賊戢擒歸斧鑿銀河直挽洗戈鋌昇平德化
沾降附頌述鏡歌獻凱還

挽江陰朱士銘

優游泉石遂閑情六十年来際治平萬卷古書傳子讀一犁
春雨課僮耕河豚晚脩清尊樂沙鳥朝隨畫舫輕一日消搖
乘化去至今鄉里念平生

二月一日早朝

曈眈初日曙光遙鐘鼓聲傳下九霄萬國衣冠趨象魏兩階
千戚奏劄韶天清華盖雲中見風細爐煙仗外飄朝出金門
還北望鐘山蒼翠心宕堯

秘閣書事簡諸同志

秘閣清嚴接觀臺九重佳氣護蓬萊宮牆樹近鶯舌度金水
芹香燕子來行傍朱欄吟細雨坐分瑤席絕浮埃太平無事
多休暇忝列詞林愧不才

元夕侍宴

風清華月曠晴空甚露透開

聖澤濃燈火遙連丹闕外簫韶只在綵雲中九重瑞靄浮金

雀萬樹銀花燦玉虹光祿傳宣催進酒烏紗都映醉顏紅

題朱源永桑洲卷

方洲宛在水中央不種閒花只種桑戴勝降時春雨足吳蚕
熟處夜燈忙幽風王業開千載河漢天孫漫七襄願借綠絲
三百文虞廷先織舜衣裳

○ 夢

林扉無客書常閑。數卷殘書已倦看。芳艸池塘春寒。華胥
風日路漫。枕邊未必迷蝴蝶。耳畔都來鬪觸蠻。欲問希夷
求秘訣。華山高處不勝寒。

村居即事二首

天上歸來暮弊廬。買松移竹事幽居。喜從鄰里團新社。得教
兒孫讀舊書。芳艸池塘清漲溢。落花門巷綠陰初。莫言跡傳
金都盡。頗似顏含樂有餘。

雨霽群芳各闋妍。傍花隨柳艷陽天。何如杜若栖夔府。一似
王維愛輞川。紫燕入簾尋舊壘。黃鸝繞樹喜新遷。兒孫笑謂
村居好。榆莢飛來滿舍錢。

紙帳

溪藤搗就淨無塵。斗帳裁成雪色新。枕上不知霜滿屋。窓前
長愛月為鄰。梅花遠托江南夢。木榻初回薊北春。莫笑先生
心似鐵。老來隨意樂清真。

曾知州送葡萄酒

故人遠送葡萄酒。灑灑流霞照玉杯。百斛驪珠霜後壓。一雙
渾脫雪中來。金盤細瀉薔薇露。銀甕深封瑪瑙醅。留待明年
春色裡。陌頭攜賞看花開。

送黃翰赴江西

青年夢之繡衣。即千里乘駟入豫章。鷓鴣九霄搏健翮。豺狼
幾處避飛霜。雪消南浦春風早。月過東湖夜色涼。百鑑堂深
清似水。一簾花氣散幽香。

竹深處為蘇州劉孟功題

種得琅玕歲月深。吳山千畝碧沉沉。烟生曉翠日當戶。風落

秋聲月滿林却笑參軍偏嗜酒時邀中散共鳴琴興來自是忘形迹直造幽居看綠陰

生孫

汝父別時猶總角忽聞生汝是今年敢誇抱送從天上且得摩挲慰目前老去舊書欣有托病來華髮任垂顛謝家並說芝蘭秀獨愛堦庭玉樹鮮

送鄭御史幹致事還浦江

七十懸車荷

聖情繡衣重耀日華明亦知報國丹心在無那催人白髮生家世百年存孝義天書五色動光榮歸來子姓森成列一堦前道舊名

送鄭知縣堅復任樂安

製錦長懷撫字心久傳佳政以三陰千家撥杼人煙靜百里桑麻雨露深門外不栽陶令柳室中時鼓宓生琴茲行更好崇清望會見双鳧入上林

夜坐蕪簡具司業

月落銀河淡不流雲博星彩坐不收樹頭驚鷓三更雨草際鳴蛩一片秋張子謾吟青玉案柳猶有黑貂裘伶君獨守詩書在矻之窮年未肯休

贈目醫李景循

種杏當軒長綠陰傳家功德百年深金膏藥煉心青水銀海先生白雪林老去丘明還授業名采張籍未盲心如今兩眼如秋月縱有浮雲不敢侵

元夕侍宴應制

端雪都消淑氣新天街月色淨如銀
嫩紫峰翠擁千重秀鳳閣
花開萬樹春曲度暖風仙樂奏
息深湛露綺筵陳年之辛奉
昇平樂賦得謳歌頌至仁

玉泉垂虹

楊榮

一派清冷蟠蛟懸涵雲浴霧自年久
聲回曉關鳴清珮影落
秋崖濕紫泖石罅轉來幽澗裡
瑤池不出御橋前江洋長山
息波闊千古東流會百川

薊門烟樹

金幼孜

野色蒼蒼接薊門淡烟疎樹碧
細溫過橋酒慢依稀見附郭
人家遠近分翠雨落花行處
有綠陰啼鳥坐來聞玉京
盡日多佳氣縹緲還看映五雲

西山霽雪

海上雲收旭景新連峰積翠淨如銀
晴光迥入千門曉泚氣
先回上谷春瑤樹生輝寒已散
猶向林梢凍暖偏勻玉堂相對
題詩好移席鈎簾坐夕曛

和若思胡祭酒至後詠懷

學省朝回無一事鈎簾坐看雪
飛花故人問字或載酒釋子
敲冰時煮茶東閣十年同載筆
西江千里共思家昨朝葭館
陽初動似覺新袍煖漸加

寄伯兄季質及諸弟

弟兄不見十餘年南北相望各
天久別故園空有夢新添
白髮自堪憐已知放浪烟霞外
愧栖遲雨露邊愁思滿腹
無處着朝回時誦鶴鳴篇

雲山草堂為楊庶子賦

聞道幽居近翠微，好山多與白雲齊。
柳塘日暖花爭發，門巷春深鳥自啼。
酒醒每臨松下坐，時成閒向竹間題。
一從射策金門去，風雨年年夢建溪。

岫雲軒為泥田周叔昭作

平生心事只悠然，杖履逍遙稱暮年。
長愛山光來座上，時看雲影落簷前。
花間曉共網緼合，牕外晴兼紫翠連。
亦欲與君尋雅趣，投簪何日賦歸田。

中秋宴集和谷胡學士

直舍西頭俯禁城，捲簾坐待月華明。
詩題綵筆誇先就，酒注銀瓶勸滿傾。
蟾桂風清微有影，金莖露下不聞聲。
北來此會應難得，且共酣歌詠太平。

正月十四夕黃侍讀宗豫請賞蓮花燈光大胡公席

有詠芝筆屬和之

賦賞娉婷巧製裁，瓊葩高下正明開。
偏宜午夜瑤池看，絕勝當年玉井栽。
絳幘斜分霞影亂，畫簷低引月華來。
金吾此夕知無禁，顛倒何妨累百杯。

送王進子周赴巴陵學

鄒緝

射策明時不見收，獨攜書劍別神州。
且將教雨分荆楚，應見文星近斗牛。
泛渚定過雲夢澤，題詩須上岳陽樓。
秋風遙想登臨處，却望京華憶舊遊。

九日登欽天臺

高臺千尺出城頭，佳節登臨散客愁。
六代江山餘勝跡，萬家樓閣倚清秋。
石頭鴈斷西風急，鐘阜雲寒落木稠。
黃菊欲開時已暮，一盃未盡強相酬。

桃源圖

洞口青山多白雲山源還有避塵人住來茅屋渾忘歲開遍
桃花始識春漁父已傳今屬晉市朝誰覺久無秦絲之世代
相遷華回首東風感慨頻

若思祭酒自謂目昏賦詩述懷因以見寄依韻和之

厭聞池沼沸群蛙眼暗終朝更自嗟謾想容顏羞覽鏡欲親
書卷覺生花頻看墜葉疑飛鳥每望飛雲認落霞五十未過
頭已白可憐惆悵惜年華

玉泉垂虹

碧嶂雲岩噴玉泉平流似瀑流懸遙看素練明秋空却訝
晴虹飲碧川飛沫沸林空翠濕跳波濺石碎珠圓專聞絕頂
芙蓉殿楷記明昌避者年

瓊島春雲

仙山高處玉為臺五色春雲拂翠開縹緲映空臨禁掖氤氳
承日護蓬萊碧窓朱戶盈之度瑤圃瑤林并之廻自是成龍
氣在應隨鶴雀共徘徊

次姚少師韻

王洪

早年方外識

天人仗策從龍四十春道向玉臺傳得秘書從黃石授來
真錦袍玉帶承恩重碧水丹山發興新為問方來賢達者幾
人能此絕清塵

挽袁廷玉

蚤從蒲邱識

天顏喜得功名半世閑歸去天涯双白鬢夢回江上一青山

寒岩夜靜聞猿斷，秋浦雲深見雁還。冥遺在何處，是數株
烟柳夕陽間。

出龍河和胡祭酒韻

畫舫鳴鼓發官河，共說仙郎此地過。山色遙連吳苑樹，雨聲
微長楚江波。蒲汀渺渺來漁艇，柳岸悠悠起棹歌。春日共將
恩澤遠，風光隨處散陽和。

送陳貞外使西蕃

劍騎翻飛出武威，關河秋色照戎衣。輪臺霜滿逢人少，蒲海
天空見鴈稀。蕃部牛羊沙際沒，羌民烟火磧中微。茲行總為
宣息德，不帶蒲萄首肯歸。

憶院中竹寄士奇楊學士

黃淮

一別詞垣數月餘，娟娟竹近似夢回。還想林間韻，詩就

誰漫節下書。翠色迎烟春院知，清陰籠月夜窓虛。料得同袍
能愛護，平安莫道信音疎。

送熊卿巡撫兩浙

湯宗人 字正博 嘉興人

奎壁騰輝燭豫章，挺生材器際虞唐。久持憲節揚中外，新拜
名卿振紀綱。使命宣惟誅狡兔，布威端在屏豺狼。東南民瘼
憑蘇息，好罄丹衷答

聖皇

內直次韻

胡廣

天門侍立已多時，內閣從容退食遲。四海太平應有象，九重
端拱正無為。扶桑日上黃金殿，闔闔風生赤羽旗。共喜草萊
深雨露，華夷從此樂雍熙。

望廬山

廬阜高寒插劍鉞晚晴遙望入蒼々千層華蓋後天下九疊
屏風帶雪張影落平湖青黛小秀多南紀白雲長他年五老
能招隱便結松巢跨石梁

陪祀南郊

聖主升中禮玉皇碧霄雲淨月蒼々星河晃漾搖明炬烟霧
空濛散好香玉佩上公趨執事錦衣宿衛列成行小臣侍從
天壇下聽徹簫韶頌我將

贈黃中書還永嘉

冠佩趨陪紫禁朝春風華髮已蕭々宮槐葉暗藏仙閣渠柳
絲長拂御橋別酒欲留江浦月歸舟又泛海門潮鳳毛池上
承優渥賜勅光榮出九霄

翠雲書房

書房遙在郡城西半倚林巒半倚溪山色入簾青霽合松陰
落戶翠雲低水邊臨牖看魚躍此外吟詩聽鳥啼亦有江樓
隣石室也因躑躅憶幽棲

別江紀善

十年清宦在京畿白髮蕭々舊布衣鄉里衣冠前輩在關河
離別故人稀官橋細柳藏新雨水驛輕帆背落暉我有愁懷
何處遣秋來日望鴈南飛

贈司勳施谷安負外除南康太守

南康出守分符重北關掄材考績優双佩已辭三殿曉孤旌
遙掛九江秋匡廬樹色圍山郭彭蠡湖光入郡樓靈冕臨民
多有暇石門仙洞足清遊
春日扈從幸北京

曉隨仙仗出時巡

聖主恩深四海春
萬馬南雲開輦路
六龍扶日度天津
陽和布德初回煖
別苑飛花不動塵
惟羨楊雄能獻賦
却慚載筆列詞臣

營中早朝

日華初映袞龍裘
雲罕高懸十二旂
侍衛千官環彩仗
標旗萬騎擁青虬
香飄帳殿爐烟上
山繞天營御氣浮
不羨陳琳能草檄
只歌大武頌成周

送人之官漢州

萬里迢迢蜀道行
秋江遠水一帆輕
棲臺去鴈雲邊影
巫峽啼猿月裏聲
經學舊傳秦博士
禮儀曾習魯諸生
到時倘見劉明府
天上交游借別情

別王子通

牕外蕭蕭竹萬竿
酒醒聽雪夜深寒
五更竟夢辭家遠
兩日風波去路難
取恨長卿猶臥病
獨怜貢禹也彈冠
明朝不盡河梁意
滿目雲山別後看

寄劉子通

蕭條烟水暗滄洲
別思依依憶舊遊
落葉滿林聞鴈過
青山隔屋見雲收
窓前清夢三更月
籬下黃花九日秋
欲問近來為客况
一竿擬上釣魚舟

病起早朝蒙恩再予告三日

卧病經旬不出關
今朝喜得覩龍顏
立依玉笋慚容瘦
趨入金門覺步艱
天語更怜三日告
客居暫得幾時閑
自緣草木同榮瘁
只在生成雨露間

楊庶子雲山草堂

昔向雲山結草堂，半分山色半池光。
讀書捲幔雲來坐，掃石彈琴月到床。
習靜有時惟看竹，清齋無事只焚香。
而今已作金門隱，幽興毋勞引夢長。

元夕黃庶子宅夜宴賦牡丹花燈

萬片玲瓏翦裁明，燈纒上一齊開。
因看色相元知幻，自識根株不用裁。
艷質每從春夜見，光輝疑是月中來。
年華此夕成歡賞，豈必清歌勸酒盃。

送陳士瞻歸西昌

金門瓊閣集群儒，讎校應過漢石渠。
投老却辭天上祿，好賢空賦谷中駒。
閑門脩竹開三逕，何處扁舟入五湖。
迢遞江南看武姥，翠微一片白雲孤。

鷓鴣園

潘景昭

字文奎永嘉人壽坊左司首

漠々平田黍稷肥，双々欲啄自相依。
靜偎紅蓼眠芳渚，閑占青蘋立斷磯。
刺繡巧隨銀甲動，入機齊逐玉梭飛。
畫工貌得幽棲意，彷彿寒塘濯錦衣。

挽袁柳莊

沈慶

字民則松江人侍講學士

平生精鑒

聖君知遭遇，如公冠古奇。
日月獨瞻天表貴，風雲先定布衣時。
官加九列頒綸誥，文勅三孤立墓

碑。感舊凄涼重南望，故莊烟柳不勝思。

車駕渡江

曾蔡

朱旗畫戟擁隄沙，錦纜牙樯照浪花。
佳氣迴浮江北樹，曉光初絢海東霞。
雲中鸞鳳扶雕輦，水底魚龍識翠華。
不用臨流

美天斬只今四海盡為家

東華門內新館初成人直有作

東華樓觀鬱岩峩高閣新成抗碧霄秘府圖書金作匱御溝
流水玉為橋草分翠色承殿輅鳥美歌聲和舜韶瀑直幾回
清坐久隔簾時有御香飄

○禁中對雪

禁城飛雪向嚴冬積素凝華絢九車內苑龍慈瑞作樹西山
窗翠玉為峰光連紫陌迷朝騎色晃彤樓促曙鍾欲向豐年
歌此曲郢中詞客可能容

送兵部尚書陳公出鎮交趾

南交奏凱心論功司馬新承寵眷隆三受虎符參閭外兩持
龍節鎮蠻中蕭何經國頗供餉裴度臨邊暫總戎已喜夷人

歸版籍火破銅柱漫爭雄

正且後送兵部尚書趙公還鎮

總戎司馬清春官坐鎮邊陲衆自安雙闕朝元瞻御殿六州
行部駐雕鞍履聲暫待金門漏旆影還衝玉塞寒明到闕城
多暇日乃將佳句寄朝端

○觀內廐馬

緝勒雕鞍七寶裝天閑十二見飛黃行駝寫輅隨仙仗嘶過
庭樓識御香玉轡按時經細柳錦絲輕處獵長楊虎文鳳
真無匹浪說周家八駿良

春思

鶯啼燕語畫樓東麗日輕雲護綺櫺香篆暖熏烟縷碧花房
晴滴露珠紅纏綿客思王孫草搖蕩春光少女風暗想多情

惟落絮時人飛入翠簾中

維揚懷古和胡祭酒韻

廣陵城裏昔繁華
煬帝行宮接紫霞
玉樹歌殘猶有調
錦帆歸去已無家
樓臺處處惟荒草
風雨年年自落花
古往今來多少恨
只將哀怨付啼鴉

同襄城伯李公被命先還南京舟中奉簡

曾於玉帳識先公
此日乘舟李郭同
兩葉金貂承雨露
三秋畫鷁駕天風
謝玄膽氣堪摧敵
班勇軍聲屢破戎
自是將門多俊傑
坐談輟略滿膏中

送道士歸桃源

霞珮何年別翠岑
迢迢歸路武陵深
種來白石皆成玉
煉就丹砂已化金
陰洞靈符應尚在
仙房瑞檢得重尋
桃花開盡

無人到風滿衣裳露滿簪

六月十日讀平胡詔

鑿與初駐輶
難河虜騎驚奔競
倒戈胡運却從今日盡
封疆遠過古時多
千年虎穴銷氛祲
六月龍沙奏凱歌
不獨朝廷功業盛
三邊從此沐恩波

螢

輝々無焰復無烟
腐草逢秋火獨然
金井露寒光不滅
畫簷風靜影頻穿
隋皇苑裏明珠翠
車胤囊中映簡編
何事却驚羅扇撲
夜涼飛過玉堦前

殿試罷

曉開三殿降絲綸
袞冕臨軒策小臣
紅燭影催金闕曙
紫雲香泛玉壺春
雲霄九萬扶搖近
禮樂三千制作新
淺薄未能

宣盛德頌歌極樸播

皇仁

謁文丞相廟

國事艱危屬秉鈞平生慷慨竟捐身百年社稷歸元主萬古祠堂表宋臣已見高名垂宇宙還瞻遺像肅冠紳當時碧血生芳草留得清芬歲歲春

鶴骨笛

華表雲歸蛻獨留裁成玉管韻悠悠數聲弄罷青田曉一曲吹殘赤壁秋律呂乍調驚羽化官商遙度想仙遊揚州去後知音少且共桓伊更倚樓

送陳司封使哈烈

旌旆翩翩拂曉霞遠傳

天語度疏沙據鞍馬援心猶壯夜

筆班超髮未華路出玉關朝仗節水通銀漢夜乘槎西行正值蒲萄熟醉臥涼州第幾家

項羽廟

百戰休論蓋世功鴻門宴罷伯圖空虞歌慷慨孤燈下楚業銷沉一炬中露濕古壙秋蘚碧霜含老樹夕陽紅英雄差到彭城路忍聽高臺唱大風

秋日登從憐龍山遊牛山佛窟寺和胡學士韻

古鼎沉煙一縷微紺園寶地世塵稀風簷鳥避鈴聲過石洞龍隨雨氣歸閑對佛燈知幻影偶聞僧語識禪機祗因坐久天香度無數雲花亂點衣

已丑除夜作

年々客裏逢除夕此夕金臺歲又除爆竹屢喧清坐久拈花

初獻半酣餘春回前北看新曆家在江南憶遠書奏賦未能
叨扈蹕獨怜多病似相如

○ 重遊白雲觀

僊人羽化白雲鄉臺殿玲瓏鎖夕陽望氣幾時逢尹喜看花
前度識劉郎丹房龍虎蟠金鼎石洞烟霞護玉床謾說僊家
多勝事藍橋何處不見瓊漿

送陳處士還吳門

下同

字孟符
姑蘇人

握手都門慰所思水萍相遇本無期神魚戀餌難辭釣天馬
搖銜不受羈未盡杯中言別酒又求囊裡送行詩蘇臺故
如相問為說年來髮有絲

題思貞堂

黃裳

禮部
主事

稟砧夢斷邯鄲枕獨念姑貞重孝思教子夜九節簪

早誦栢舟詩一雙白璧終無玷方寸丹心誓不移却咲鬼妻
爭嫵媚九泉何面見男兒

悼筠谷朱士銘

胡子昂

山中夜墜少微星處士悽然夢首盪空使江陰慕潛德堪嗟
洛社失耆英殘書墨潤黃庭在斷漆光沉綠綺橫却憶文林
棲隱處野猿啼月不勝情

江上書懷寄周大林

唐泰

字事仲陝西
按察司副使

昔年曾共醉蘭舟明月閑情憶旧遊獨客荒村空向暮異鄉
多病獸逢秋殘烟野戍聞寒笛落日楓林見驛樓為報別來
憔悴盡漫同尊酒與銷憂

浣江陰朱士銘

王進

字汝嘉姑
蘇人侍講

垂肩華髮已星々環碧亭中養性靈春酒留賓娛勝景夜燈

教子讀遺經神遊遽入華胥夢德長存太史銘欲真生芻
嗟莫致歌成楚些淚先零

癸卯歲十月居庸關候朝 沈粲 字民望雲間人大理少卿

天設重關限塞垣居庸曾疊巖崕山河百二歸龍準貔虎
三千盡鷩冠侍衛令嚴宵月白周廬人靜夜霜寒欣逢四海
為家日頌祝

皇圖永治安

冬至早朝

龍樓鷩唱報更籌大地陽光滿帝州雲物呈祥臨

御座衣冠列辟拜

宸旒山呼華祝丹霄上樂奏蕭韶紫殿頭自愧承

恩叨侍從頌歌天保贊

皇華

玉泉垂虹 林環 字崇璧莆田人

浮花濺玉落崔嵬迥出千岩去不回白日半空疑雨至春林
一道見烟開日分秋影雲邊去風送寒聲樹抄來流入官牆
天漢近還同瀛海繞蓬萊

西山霽雪

群山削玉遠參差翠靄微分雪霽時日映林光浮鳳闕暖添
澗水到龍池峯頭漸逐青烟散樹杪疑含玉露滋一曲陽春
人盡樂豐年已喜太平時

次韵奉會孟熙見寄之作

毛

自從束髮忝儒流老戴南冠萬里遊強倚文章酬故舊羞歸
鄉里間寔來夢回孤鴈寒敲枕日斷群山莫倚樓詩畔酒邊

應念及一封書寄廿年憂

○ 鶴燈

蘭膏一夜飽仙禽。隔屋誰簪翠露音。春意未回千歲骨。寒灰已著九皋心。天開遼海金星小。風靜縹山碧霧深。擬駕祝融遊太液。飛蛾從此莫相尋。

和荅孟熙見貽

唐之澤

晚天涼雨碧雲收。竹几藤床只卧遊。出海鼓笳天上句。夾城風雨驛邊樓。常時中酒翻疑病。此日懷人况是秋。忽得錦郎寄來什。勝將詩思滿汀洲。

長安留題

曉閣疎鐘午店鷄。客途風物賸堪題。葡萄引蔓青緣屋。苜蓿垂花紫滿畦。鴈塔雨痕迷鳥篆。龍池柳色送鶯啼。前朝冠蓋

多黃土翁仲淒涼石馬嘶

題金山寺

虞謙 金壇人 前都御史

樓閣崢嶸面。開天然圖畫。若逢蒸風雲。特向山中出。日月常從地底來。神女獻花香。作雨老禪說法石。為臺額將第一。中泠水拜獻吾

皇萬壽杯

挽袁柳莊

吳中 武城人 少保兼工部尚書

遊宦頻年住。帝京相逢雲路寂。多情時來管輅清。名重賦就揚雄白。髮生陞秩客。臺閣閑歲月。承宣紫殿荷光榮。祇今惟有門前柳。落日時聳哀吟聲。

葛仙壇

周述

白石香岩望欲迷。仙壇下瞰楚山低。靈源雨過花初發。深谷

春來鳥自啼，劍氣猶疑射斗牛。丹光常見拂虹霓，世人誰復
知行徑。瑶草青，長欲齊。

新秋有感寄諸弟

南望鄉園意轉迷，幾年紫陌候鳴鷄。烏啼寒隴懷慈母，日落
空山夢故妻。寒鴈愁從雲裏聽，鄉書懶向客中題。欲知此後
思家處，多在鰲山楚水西。

張氏半村居

聞君獨愛鑑湖清，半住村南半近城。放棹每隨流水去，騎驢
不向縣門行。窓臨蘿月千峰色，幔捲松風十里聲。却憶舊遊
成久別，故山猿鶴若為情。

送成教諭赴海康

幾年在泮賦青藜，渡海傳經意若何。解路只聞啼鳥近，客亭

人散落花多。長淮江上孤帆度，大庾關前一騎過。明到杏壇
如有暇，題詩應好寄蠻坡。

補送陳司業還南京太學

昔年侍講在詞垣，璧水遙臨衆所尊。千里迢朝重報政，三
冬辭闕獨承恩。樽前故舊皆知已，海內諸生盡在門。同是
登瀛舊時客，絲絲離思不堪論。

提舉祝公水心亭會飲避暑

陳遜字克義，同知。

十載辭家未擬回，愛君亭子水雲隈。登臨漫有陶潛興，咲戲
欣逢袁紹杯。避釣金鱗依翠藻，忘機白鷺立蒼苔。分明一片
瀛洲景，來向君家靜處開。

登五羊鎮海樓

祝盛字秉中，龍泉人。

南越江山錦綉開，倚城高閣勢崔嵬。虎門一水蒸天去，雲嶠

千峯拔地來，拾道元龍多。俠氣獨憐王，粲擅高才綵。欄瑤席，
絢晴日，乘興來傾庾亮杯。

分題得野塘垂釣送劉理問還鄉

野塘風致四時春，蒲柳青。寂可人，雲月幾年閑。釣具烟波
此日坐垂綸。龜魚應識青袍旧，鷗鷺還驚白髮新。顯梅蕊沾
明主賜詠歌，有頌播

皇仁

晚宋母包氏

余鼎

一夕層霄教女沉，堂中薤露起哀音。織機零落空懸壁，手線
縱橫尚在襟。夢裡萱花推雨砌，枕邊烏鳥噪風林。賢郎感此
傷心切，目覩遺踪恨轉深。

元旦侍班

新元入侍

九重天紫殿前班，近御筵曙色微開。分扇影和

風初動，散爐烟。諸夷貢獻來重譯，百辟歡呼祝萬年。溥錫蕃
禧頌，寵命鴻臚肅向。陛間傳

元夕侍宴觀燈和劉侍講韻

魏闕森嚴駐六龍，綵樓千仞起天中。高烧火樹明清禁，共訝
鰲山聳碧空。天樂響殘孤月轉，蓮缸照徹煖雲紅。小臣侍宴
叨恩澤，歌頌惟知湛露濃。

送太常徐寺丞

紫宸朝罷曙光微，荷寵新從闕下歸。不向烟霞翻蕊蕊，喜
從郊廟肅絲衣。鸞笙載鶴雲中去，龍劍騰光夜半飛。遙想渡
江訪勾曲，荅君應與論玄機。

次青雲子見贈之作

尾躡同遊萬歲山芳春駐輦彩雲間鶯聲細和鈞天奏鶴遶
高隨扇影還白髮年來甘自退青霄望處杳誰攀夢魂猶自
飛雙闕身歸時能識 聖顏

送陳尚書洽同英國公出鎮安南 王英

黃麻宣 命出薇垣榮寵新瞻八座尊

天子再令開幕府風威先已到轅門遙飛羽檄及殘寇却放
諸軍入舊屯應共成功實重騎歸來麟閣拜深恩

題宋善慶竹泉隱居圖

隱者幽居惟種竹開渠更引竹間泉四時翠色長含霧一派
寒光遠映天曉聽玉聲來戶外夜看涼影到堦前信知此地
多佳趣不羨湘川與渭川

寄和楊之宜春早侍宴朝回之作

紫微天近九天開玉漏聲殘禁鼓催五色祥雲依黼座九重
春色照金杯輕風細逐鳴珂散新馬低迎仗馬回一曲陽春
誰和得鳳凰池上待君來

送南康翁教授赴任德安

白髮幾冠古晉賢十年風雪守寒檀關西不獨推楊震闕下
從來說鄭虔別路斜陽京口樹他鄉明月洞庭船郡齋南望
山如戟還似匡廬舊講筵

送楊都指揮出塞

曾逐嫖姚破百蠻歸來分閫向蕭關星文寶劍腰間帶月樣
瑠弓馬上彎誓掃牛羊空瀚海要令烽火靜陰山軍威况借
天威重早見春城奏凱還

贈李將軍

青春玉帳樹牙旗
浦海風高列陣時
夜斬單于水上度
曉驅番馬雪中騎
功存鐵券書丹宇
冠着金貂侍玉墀
誰道廉頗今白髮
指揮猶可萬人師

過虞美人墓

玉顏長得君王愛
飲恨其如薄命何
霸業盡消垓下戰
英雄空對帳中歌
斷雲殘雨江東遠
衰草寒烟墓上多
猶有楚人來悵望
扁舟夜載月明過

戲馬臺

烽烟三月火咸陽
功業終隨玉斗亡
却嘆重瞳非霸主
方知隆準是真王
蕭蕭歸馬旌旗盡
寂寂空臺草樹荒
堪笑英雄還有恨
喑鳴不似楚歌長

題滕王閣

鳴鳶珮玉憶當年
遺跡荒涼倍可憐
尚有殘花飛蛺蝶
應多古樹怨啼鴉
西山踈雨浮雲外
南浦驚濤夕照邊
何事王孫舊時草
滿堤猶自綠芊芊

梅貞觀

去國長懷萬里憂
封章未報忍歸休
已無忠諫居三輔
獨有威權在五侯
舊館空餘秦地月
古壇猶似漢宮秋
傳聞跨鶴三山去
不向湘潭賦遠遊

文翰類選 大成卷第七十七言律目錄

國朝

解縉

七首

李勗

六首

潘畿

一首

周槩

二首

梁潛

五首

許翰

二首

黃福

一首

楊溥

一首

黃哲

六首

蔣驥

一首

周忱

五首

陳璉

五首

甯道

立一首

鄭誠

二首

孫蕡

四首

顏澤

一首

段民

二首

余學夔

二首

趙介

三首

趙訥

一首

唐奎

二首

林謹

一首

張澈

四首

戴仲才

一首

黎光

一首

梁時

三首

朱逢吉

二首

莫士安

二首

馬德華

二首

王備

一首

王芾 三首 黎充輝 五首 羅養蒙 一首 羅汝敬 三首

曾鼎 二首 李特勉 十首 劉素 一首 黃守 三首

尹鳳岐 一首 趙友同 二首 潛溟 三首 楊肇初 一首

郭泰初 一首 谷宏 二首 羅通 一首 高標 一首

張袞 一首 徐範 二首 錢習禮 一首 陳耘 五首

劉士皆 七首 周叙 四首 胡智 二首 王暹 一首

陳繼 四首 張倫 一首 徐叔珙 一首 丁珏 一首

陳仲述 一首 蔣昂 二首 何忠 二首 劉漢 一首

何澄 一首 樓文昌 一首 李昇 三首 張思安 一首

楊景衡 一首 羅坤泰 一首 葉銘臻 一首 錢岳 二首

潘賜 一首 李學 一首 朱思全 一首 余璇 一首

王均德 一首 谷庠 一首 熊叔誠 一首 趙漸 一首

王思諫 一首 趙哲 一首 方正 一首 胡文善 一首

木寸廷儀 一首 鄭雍言 一首 張毅 一首 顧士和 一首

張以潔 五首 方以正 五首 張光啓 五首 黎公弁 一首

張潮宗 一首

文翰類選大成卷第七十七言律目錄

文翰類選大成卷七十

詩類 七言律

國朝

武英殿喜雨應制

好雨東來翠霧重

聖恩深喜武英宮魚龍變化九天濶草木敷榮大地同
夜添三尺水京華日長萬年松小臣賸有為霖志一滴天
海宇豐

游承天宮

玉笥承天老子宮平原十里萬山中三千歲後桃花老二十

左長史上海李伯璣編輯
伴 讀慈谿馮厚校正

解縉

四橋秋水紅梅子廟荒秦樹倒河君石在古苔封同遊感慨
知多少雲物淒涼夕霧重

挽筠澗先生

逐鹿兵還郊鼎移故家風節似君稀山河百二歸
真主泉石東南隱少微黃菊花時高士醉青門瓜熟故侯歸
九原若遇余為國猶話孤城未解圍

中秋二首

風捲浮雲散九區海天澄徹月輪孤三秋爽氣凌空碧一點
寒光照太虛狂客醉酣歌白苧素娥起舞擊蒼梧何須更覓
神仙術我已截身白玉壺
天風吹我上南樓為報嫦娥得舊遊寶鑑瑩光開玉匣桂花
天影入金甌清涵宇宙三千界冷浸山河百二州醉倚小樓

鐵笛一聲驚破九天秋

竹谿春曉圖為劉孟雍題

武陵谿遠桃千樹汴水春深柳萬條何以此君多勝槩偏宜
清隱絕塵囂翠禽啼處烟如織錦籜裁來雪未消却笑此生
慚六逸相思為寄白雲謠

別劉繡衣按交趾

亂髯白鳥繡衣郎驄馬南巡古越裳城郭揔開新郡縣山河
全是舊封疆天連銅柱蠻煙黑地接珠崖海氣黃莫說炎荒
冰雪少須令六月見飛霜

長安道

李昂

層城迢遞入雲賒處之春風面之花長樂鐘聲催漏箭新豐
樹色擁行車妖姬舞榭留明月貴主粧樓結綺霞日暮鄉塵

連九陌鸞輿傳幸五侯家

○為李公子悼妾

珠沈碧海玉沈淵空向芳春憶舊年鳳管已停花底奏鸞箋
猶記月中幽珊瑚淚暗新遺枕玳瑁塵生舊舞筵一自夢天
雲雨散酒醒無奈夢嬋娟

送春

強對東風酒一尊留君無計黯消魂綠波芳草汀邊路飛絮
殘陽柳外邨鶯倦語時渾寂寞客傷離處又黃昏寒燈孤館
何曾寐山雨瀟瀟獨閉門

偈雲菴

擬得陶潛自祭篇鑿雲為壙待殘年溪聲鎮繞鴻濛外山色
長疑太古前鶴骨未應同蝶露蝶魂何事戀松門桃花流水

春源趣盡屬劉家洞裏天

送吳克潛省其師錙西江墓畢

重來不見草堂人回首東風泪滿巾苔徑雨荒不處迹蔥嶺
塵黯在時真白楊孤塚悲長夜紅杏空壇冷桂山春自撥溪蘋
成薦後馬蹄臨發幾逡迍

賦得柯亭送陸士霖赴會試

欲問危亭若個邊中郎遺跡竟茫然祇憐幾度桑為海誰省
當時笛是椽山鎖斷雲連野寺景留殘照送吟鞦橋西便是
朝 天路莫惜從容竟別筵

挽順菴鄒詹事

潘畿

徐家樓上初相見屈指于今四十春南海拜參聲譽早
東朝詹事寵恩新白頭頽我無同輩青眼如公有幾人聞道

賢郎扶柩去無田執紼淚沾巾

夏夜陳主簿稔過宿

王褒

字中美閩人翰林院脩撰

君門已許解月衣此夜相期過竹扉池上青山留客醉郢中
白雪和人稀雨晴閑館花空落月上層城鳥倦飛明日獨懷
乘輿地不堪愁思正依

送陳炳温陵尋親

問君何處拜庭闈海國蒼茫去路微洛社舊遊同北望温陵
積夢獨南歸春行樹外空聞鳥夜坐花邊靜掩扉轉向高堂
思綵服雲山惆悵與心違

送邊孟功先生致仕歸吳門

周桀

字仲方豫章人訓導

先生七十賦歸田新拜 龍顏到九天錫宴已頒光祿酒還
家仍賜廣文壇都門送客榮疏受太學諸生惜孝先從此姑

蘇風與月捲隨吟興上雲笈

送道會司官還西昌

親捧天書出紫城梅花晴照羽衣輕熏香紙報

君恩重典教須令道紀明陰洞斬蛟秋試劍碧天騎鶴夜吹

笙西昌近接螺川水應有仙童絳節迎

七月十七日壬午

駕還自塞北

梁潛

六軍歌舞上金臺

聖主親巡玉塞回簫管遠隨雙鳳下煙霞高擁六龍來香飄

寶鼎前旌合表進金函內殿開願祝

堯年千萬壽太平恩澤到蒿萊

五色薔薇

佳種何年此地栽繁花五色照蓬萊彩雲不逐春風散香霧

輕籠錦障開，謾憶當時青羽佩。空餘此日紫霞杯，芳菲依舊
還堪賞。鸞鶴高飛不重回。

元夜陪 駕燕午門

銀漢橫空寶月圓，六鰲飛出五雲端。蓬萊紫氣天中起，玉井
紅蓮地上看。滿殿嬌歌留夜景，千門羯鼓散春寒。教坊戲樂
年：異願奉

龍顏萬歲歡

和願庵春日試筆

天香携袖早朝回，紫陌東風作陣來。暖透宮袍紅錦重，晴薰
芸閣綺窗開。盤分細菜行犀筋，座設新醪泛玉杯。還道清吟
渾不倦，自添爐火炷香煤。

三月十七日送

駕出德勝門

旌鉞發平明，萬里河山錦繡生。王氣浮天門，寶壽虹光
濟地護龍旌。玉關指日看歸馬，青海無波待洗兵。萬姓歡呼
傳捷報，六軍歌舞入瑤京。

瑤島春雲

許翰 字鳴鶴中書舍人

蓬島瓊臺近紫微，春雲疊映空飛凌。風縹緲隨仙仗，傍日
氣氲捧禁闈。時雲龍紋浮瑞氣，還成鳳采煥晴暉。幾回天
上為霖去，仍向岩前伴鶴歸。

薊門烟樹

烟樹重々繞薊門，望中迢迢似雲屯。遙連紫陌臨官道，近倚
彤樓接紫垣。曙色乍分空翠濕，晴光初動綠陰繁。紗深還未
成搖落，應是多承雨露恩。

先主廟

吳中

字子庸號思善越人山西參政

漢祚危如一綫微君臣戮力戎衣三分帝業難恢復四海
民心已背遠勢合風雲亦盛情親魚水事尤稀錦城祠廟
餘千載老柏蒼蒼倚夕暉

秋日早朝

五漏蓼之微曙樓千官府伏拜

宸旒星河影動龍墀曉風露涼生
虎陛秋玉節徘徊仙

樂奏金縷縹緲御香浮小臣謬忝鵷鴻序深愧無才贊

六猷

挽義烏樓子惠

黃福山東昌邑人少傳尚書

勞傳家數百年獨聞子惠爰林泉生前積德無人肯身後
褒榮有子賢真塚松楸多雨露豐碑文字薄雲天士夫存沒
誰知此不任重勞太史編

挽蘭溪胡子順夫婦同亡

楊溥字弘濟石首人少傳尚書

百年同室嘆睽離千里歸魂漱水滯自是人生宜有子誰云
天道竟無知青雲科田承遺澤紫誥恩光際盛時疎雨淡
烟荒塚晚東陽山色映穹碑

送出時行給事中歸省

文采如君世所稀幾年簪筆侍龍墀
羊看衣錦榮歸日又喜推恩具慶時
蘭蕙馨芳香滿席瑱篋叶奏酒盈卮
鳴珂重擬趨朝早莫待春風拂柳枝

贊相國李公

黃哲

台君神武定中朝丞相勲名冠百僚
漢室興王推鄧禹唐宗開國任房喬
江淮草木知名舊吳越山河關地遙
好向龍樓扶赤日便觀麟閣近璇霄

呈張景參政

絲綸閣下五雲飄政事堂中八位趨班馬文章傳獲異楚龍
勲業慶新朝宮花露重金盤賜渠柳風清玉珮搖江海微生
叨近侍也隨丹鳳舞蕭韶

正月初四日南郊禮成呈諸執事

午夜祥雲繞太微

聖明開運六龍飛簫韶響帝聲容麗玉帛來王曆數歸寶帳
天光臨負袞金輿春色映垂衣 幸觀唐虞際三祝
堯年仰曙暉

和韻谷玩萬頃朱文昭

素淮橋上晚相過最喜吳儂白紵歌秋色滿船風韻
情多芙蓉洛州迷芳信陽

才並美泠之新句逼陰何

錢錢韶州觀還赴部

群龍初集

聖明朝五馬先回刺史輅
韶靈旌拂曙梅風細露晞
堂深夜倒仙瓢

將赴東阿留別翰

三年同侍紫宸朝離索翻
鶯轉雪痕消草玄寂寞思
看柳色多情誰繫木蘭橈

和具惟學登小孤韻

西來風浪湧金山人在鴻
程本立字原道崇德
人都御史小孤天柱石長江

第一海門關鮫人夜泣珠成淚龍女晴梳翠作鬟欲問靈巫
報神語我行何日定東還

○挽金華樓子惠時驥字良夫錢唐人札部侍郎

閨閣相承重里閨惟公孝反樂閑居平生每抱容人量身後
多傳教子書行誼百年家栢範恩章千古世璿璣梅山况
得牛眠地積善應知慶有餘

車駕渡江
周忱

柳色臨江輦路長歲時望翠華孤衣冠障岬催鷓鴣序舸艦

中流列鴈行魚躍滄波

御座鳥啼春樹識天香時巡百度恒虞典不奏橫汾漢樂章

謁北京城隍廟

岩堯祠宇俯城闈

聖代褒崇賜額新石刻壽題灵感事香煙不斷往來人經年

樹暗長廊畫落日風清劫塵粉署政閑來伏謁敢將心術

愧明神

留城懷古

寂寞荒城泗水東昔人曾此遇真龍一編已向興王用萬戶

從教擇地封帶礪河山空往哲春秋祠廟想遺容薶侯下獄

淮陰滅三傑惟公伴赤松

戲馬臺

百戰徒勞八歲兵秦民失望霸圖傾沐猴不免當時笑戲馬

空傳此日名故壘蕭蕭連泗水寒山簇近彭城行人回首

荒臺上啼鳥淒涼學楚聲

○送劉昌會試

蚤從侯類究群經。虎榜新頭屬妙筵。驥出馬群空北土。鵬因
鷗化運南溟。功名有待標名史。禮樂行看對
大廷。席上儒珍期自保。一首相送重丁寧。

寄陳克傑先生

陳璉

早承徵詔謁承明。晚向山中養性靈。潘岳
應有賦伏生。畜老尚傳經。池邊雨過芹香
細。庭下春回草色青。每憶孤桐
奏流水。清音曾許鶴同聽。

元夕賜觀燈

海宇清寧玉燭調。人間好景是元宵。星垂鳳闕天應近。春入
鰲山雪政消。香裊瑞烟浮滌滌。辰樂翻新曲叶簫。韶徵臣何幸
逢嘉會。愧乏涓埃答

聖朝

海子橋

海子東頭海子橋。欄干百尺琢瓊瑤。菱荷葉老未猶在。楊柳
條長翠未消。公子錦衣金勒馬。佳人紅袖木蘭橈。太平風景
今尤盛。滿耳歌聲雜舜簫。

海印寺

海子西頭樹色蒼。梵宮殿起中央。樓臺闕壁風霜古。花木
沾濡雨露香。地鋪石上含玉潤。榜題金字絢奎光。來遊何處
堪乘興。獨愛松陰坐北涼。

送趙御史純

山按交吐兼簡同行沈御史

繡衣共喜沐恩光。入南交萬里長。藩閫總超六節鎮。圖
經原載漢封疆。棋枰鶴老屯雲盛。荔子花開帶蜜香。遠近喜
迎駮馬至。願敷德澤恤災方。

玉泉流虹

蕭時中

石泉飛下碧嗟成。一
帶鴻銀河朝宗遠。花
落處偏因流向御清
多。玉跳珠濕薜蘿影
落坐空懸素練光垂
漚滄溟水分注時添
六液波幾度上林

瓊島春雲

祥雲天上擁瑤岑。經
萬井欲為霖三春暖
滌花枝重九陌晴滿
樹色深何必蓬瀛
滄海去從龍長想此
登臨

康山懷古

華道立 甲江人

康郎磯下水萍之四
十年前舊戰場廟筭
萬全窮智方天機
兩會決興亡河山失
風雲暗宇宙重新日
月光岬草汀烟
及古意棹歌聲裏繼
斜陽

送兄文舉南還

鄭誠 字文實建昌人吏部侍郎

憶昔辭親上帝畿。流
光轉眼七年期。四蒙
聖主超遷日深感。難
兄遠顧時官舍連床
歡會又客程惜舊
賦歸遲趨庭幸。故
平安意桑梓立園入
夢思

送教諭 先生之任

遠持教鐸振儒林。不
袂難忘故舊心。花外
離筵千斛酒。樽頭
行李一張琴。泮池
不羨吟春暖。絳帳燒
燈坐夜深。此去莫言
淹冷職。玉階他
擬聯簪。

朝回口號

孫賁

三乘寂靜簡書稀。不
謂餘生覩盛時。月窟
朱琅周正朔。瓊瑤
玉珮漢官儀。蓬萊
借隱瀛仙賞。葵藿微
衷結主知。尚想臨軒
膺顧問。徘徊當守
朝遲

陪翰林宋少卿遊鍾山

天上禪關敞薜蘿
綠休沐得經過
雲籠梵宇青蓮濕地接
皇居紫氣多
甘露結花疑木末醴泉和
雨落岩阿欲陪謝傳
金屏約未解朝簪
老何

過沙門島二首

天風萬里嘖洪濤
巖神峰立巨鰲
紺節影搖龍伯國
綉幢光佛海
鳧毛浮空圓
嶠隨波長繞石珊瑚
出浪高倘許從戎
樹動葉白頭歸路擁旌旄

憶上盜玻拜紫宸
沾恩曾醉杏園春
空餘姓字傳江海
那待詩篇泣鬼神
徐市橫船風信香安期
瓜果露華新等閑鷗鷺
休相笑猶是金蓮炬
底人

承召到京
適字萬里南海

萬國同風、聖治寬群才濟、拜金鑾
漢庭法制嚴三尺周
室深維重六官
邊地有田皆課犢
上林無樹不棲鸞
猶聞玉帛交、出更為蒼生起謝安

送王志仁先生還浙
顏澤子澤民江陰福黃然致

秋風江上鴈聲哀
折柳長亭送客回
生子未陳經世策
賈庄

空抱濟時才
吳山隱、歸程遠浙水
心入望來後夜想思
何處是一輪明月照蘇臺

送嚴寺正致政歸江陰
段一以字時舉思陵人戶部侍郎

襟懷高潔古人同
壁月涵秋玉宇空
以理平反清望重賜歸

怡老

聖恩隆依微去路秋風外
繚繞鄉山夕照中
遙想到家無別事
只將農圃問隣翁

梅月軒為江陰朱維吉賦

仙標孤潔謝群芳
克鬼搏空夜未央
東閣思偏長
窓橫疎影琴書坐
簾捲寒
應有得浮生塵慮頓消忘

斷西湖情更遠
詩成
九几席香對此
閑心

送熊大理陞南京右都御史

余學夔

長憲南臺又別離
衝風勁草亦多時
特
寧論柳士師
闕下簡飛霜
落久江南
遠孤忠顯
珍重毋忘

已過于廷尉
秉直
即去馬行
逢古來賢

聖主恩

送呂僉事升考滿還福建

衣繡乘驄似舊時
風霜行處有人知
闕下承恩白髮垂
閑拊浦雲仍獨往
素琴孤

按節丹心苦
鳳闕
謾相隨
十年直道

終無改老去人傳柳士師

贈南昌貳守張大猷吏部考績

嚴烜字熙淵閩人

幾年江海歎離群
相見金臺酒一尊
話別每驚千里迥
論交
應有寸心存
揚聲大郡多嘉政
奏最

天朝沐

厚恩聞道西江懷德惠
兒童竹馬候歸轅

送征南將軍回京

趙介

夾道公卿祖帳開
借旬無路獨徘徊
口
盈車馬援回隴右
仍聞分節制海隅

書滿載曹椽去
意
此息氛埃漢廷若問

征南事民瘼于今困草萊

和彭給事早朝韻

蓬萊宮闕與雲齊
十二闌干玉作梯

色迥臨華蓋
表珮

斜度掖垣西烟添沉水生衣潤風送
承顧問扁舟未許釣清溪

送鄭以廣昆季回海南

斜日扁舟別故都暮雲離思滿江湖
空遺照乘珠椰子兩晴朝共飯梳櫛

月蠅誤點連城墜冷海
日冷夜同沾他年華表

留遺恨雙鶴東歸海水枯

○寄羅浮蕭鍊師

趙訥

字仲山

中南海
州事導

十年城市混寰塵聞道羅浮景物新

丹竈神光霞焰之
餘橋

飛瀑玉粼之清秋鶴語瑤壇月白書

龍歸古洞雲安得吹笙

凌絕頂狂招子晉列仙群

送陳大尹丁憂還鄉

唐本

字星文南海
人海城教諭

南此相望路八千即星移次越裳

民志德化纔三月書報

慈親已百年草之獲登言偃室勿之文送孝廉船即辭朱

從衰經忠孝芳名受兩全

端午日寄謝縣丞

去年此日東樓上冠蓋追陪樂事饒異饌珍羞羅綺席畫船

鼉鼓競蘭橈一翻往事成塵夢千里歸心逐海潮自笑勞

嬰世網身閑爭得似漁樵

送任參政赴福州

錢仲益

旌節下閩關昭代恩威被百蠻別駕舊聞留美績政司

新喜恭崇班詩題曉葉蕉花落酒熟秋林荔子殷見說海邊

東向望蓬萊咫尺近三山

送義門鄭尚書致仕歸金華

都門日出早啼鴉送客江亭踏軟沙白首拜

恩辭玉墜錦衣歸老向金華省中舊識尚書履海外咸知義
士家料得到鄉春正好東風開遍梨花

寄南郵何士達

武林城下湧金門曾記看花載酒樽遠別憶居千里隔故交
惟我兩人存白雲近海山邊樹紅稀臨淮水畔村欲寄尺書
遙問訊寫成一字一消魂

閩山白雲圖

林謹

韜畧功成志不違此心日與白雲飛遙連閩嶠馳心切靜繞
親闈入望微寒影不隨孤鳥沒清冷常逐雨龍歸何當作此
爛斑色為愛裁成五色衣

元日早朝

張徹

問闔門開動曉鐘衮衣端拱大明宮綠雲影裏迴雙鳳紅旭

光中駕六龍遠國梯航脩職貢明廷禮樂備

皇風山呼得共齊天祝袖染爐香出九重

都御史王公黜父挽詩

君臣相遇古難得父子同官今有聞身後

恩榮恥贈典眼中蒼舊惜離群晚香尚有三秋菊春草空餘

四尺墳過客停車讀遺表林宗不媿蔡邕文

光霽樓為黃伴讀体方賦

層巒凌空戶牖開光風霽月自天來一團和氣生衣袖萬斛
清輝落酒杯太極有圖明造化寸心無處着塵埃仲宣賦好
今誰繼最愛黃香有俊材

墨蒲萄

昔年博望遠乘槎西域移根到漢家引蔓忽驚雲滿架當窓

偏碍月穿紗
驪珠穎
含風味
馬乳垂
帶露華
記得內廷
傳
賜日千官
拜舞醉流霞

題范得承灤溪圖後

戴仲才

我嘗性僻愛幽棲
之子無端意轉迷
老去不求登要路
晚來直欲釣清溪
黃庭三卷香雲裏
玄鶴數聲烟樹底
誰識高人
有真趣
故將吟詠入詩題

詠史二首

何子海

番禺人永

三顧南陽起臥龍
艱關蜀道老英雄
事機早失吞吳策
未運難成復漢功
今古風雲隨八陣
乾坤日月貫孤忠
史臣帝魏成何事
千古令人恨莫窮

玉堂揮翰老詩翁
文彩声名動裔戎
赤壁江山留夜月
峨眉花草失春風
熙寧法立賢才盡
元祐人亡國事空
千秋

仙去後至今白鶴唳高峰

送張御史赴陝西僉事

黎光

字仲輝東莞人監察御史

曉承

恩命出鵷行
路入秦關驛樹涼
錦

誥渙頒新雨露

綉衣猶帶舊風霜
山連太華三峯秀
河出岷嶓九曲長
一道澄清俄頃事
要看當道絕豺狼

和韻答張真人

梁時

字用行姑蘇人翰林典籍

真人崇教嗣仙勳
小篆丹書刻壘文
家住洞天閑日月
山當龍虎自風雲
紫綃製筆烟為藪
斑笏裁冠錦作紋
詞翰捲成金石韻
時將擲向下方聞

官舍寄吳中諸友

江分吳楚本通潮
別後雙魚望轉遙
垂老豈忘登桂想
託居應負小山招
尊生水國鱸偏美
稻熟湖田蟹正饒
時有慇勤

舊鄉夢幾回相覓過楓橋

送完上人赴任杭州府僧官

官居方外領緇流共羨壇場學最優青李帖為追逸少碧雲
詩已肖湯休人辭鍾阜千峰曙江接錢塘一葦秋道在想無
塵可染澄懷空不貯離愁

竹茶爐詩為惠山真上人賦

朱逢吉

携李人大
聖寺少婦

織翠環爐代瓦陶香煎山茗或溪毛。鷓啼湘浦聽春雨龍起
鼎湖翻夜濤文武火燃心轉勁炎涼時異節還高松根有客
聯詩就掃葉歸燒莫憚勞

謝東白上人惠山泉桂花

山泉千古著佳名百里分來分外清卓地不勞飛錫嚮出罌
猶帶漱雲聲酒醒煮茗心渾爽病後看詩眼倍明况有一枝

金粟子相知誰似上人情

賦落花

李慎

愁紅怨粉各依依。樹下偏多樹上稀總為春光爭艷冶却教
夜雨妬芳菲數枝浸水魚吹去幾片縈林蝶趁飛莫教東風
成薄幸猶能收拾點人衣

寄同安張忍庵通守

東風催雨過淮淝萬戶千門曙色微漸老只愁朋舊少逢春
不放酒盃稀長江繞郡商帆集遠火沿山獵騎歸惟有忍庵
牕外雪比君高操更清輝

送熊生還鄉

石頭城下柳蕭疎久客懷歸念遠途鄉夢每生鍾斷後客愁
政在酒醒初扁舟暮雨青初薄折葦涼風白鳥孤擬共立因

尋別業臨岐相送獨踟躕

咏燈花

羞向明開向暗開。芳叢暖燄照銀臺。須臾爛熳都成燼。須刻凋零半是煤。綉幌不愁踈雨至。紗窓只怕猛風來。歌闌舞罷人歸寢。一寸丹心未肯灰。

春坊黃學士索賦劉縉草堂二首

靜者茅堂近翠微。華門松徑往還稀。水生南垞鴈初下。月出西崑人未歸。迸筍亂穿苔蘚破。殘花故傍薜蘿飛。清泉繞屋雲林密。縱有油塵得染衣。

石角藤枝似灑西。懸蘿引蔓覆簷低。雲采高樹虛窓暗。春去深林好鳥啼。蛛網靜粘飛絮雪。燕巢新補落花泥。碧山學士能相過。只尺滄浪是浣溪。

題永志山房卷

久忘軒蓋身將老。高臥雲林事酒熟。只知留客醉家貧。惟喜借書抄雲迷。高樹依窺果岳墜。空林鶴緝巢試問白駒空谷裏。幾人黃髮在衡茅。

舍弟客錢塘索家書寫此示之

故園書信久荒涼。愁對西風見鴈行。身在金華依魏闕。夢隨潮信到錢塘。乍添老態經憂患。漸入中年易感傷。閑看白雲惆悵久。不知清淚已沾裳。

寄刑部李主事時勉周主事恂如

二妙翩翩最好辭。拜官同在白雲司。一身多難憑誰問。三載離群獨尔思。紫陌香塵聯轡處。絳紗銀燭候朝時。才名獨數皋枚盛。肯把新題寄所知。

壽鄒弘道先生 莫士安

字惟恭烏程人國子助教

桃花桃實六千年食實看花分已
久物間生賢天香纔綻金無數月
松葉露一盃今日奉瑤筵

仙南極星辰先注壽東吳
影猶鵬玉半邊五絲絲囊

巡視水田偶成

野田弥望隔西東細路多岐遠未
花柳水雲中圩長車響双涇月江
無補事敢忘憂國願年豐

通處、茅茨烟火外村、
闊帆分兩岸風白髮衰翁

題蜀山圖

馬德華

閩人泉州府知府

翠壁蒼崖峭入天兩餘草木帶
西來鳥道懸丞相舊圖沙磧裏
經行屢似有猿聲到耳邊

正月七日出龍灣往吳中治水

白髮蕭蕭迫暮齡宦途塵鞅尚相縈
皇華出帝京柳眼拖金春尚淺梅腮飄玉暖猶輕
肝憂民熱震澤何特奏底平

挽袁柳莊

王僊

字孟敷閩人翰林檢討

早識龍顏上九天晚承優詔賜歸田
輅才名羨獨賢官任容臺餘舊籍身還越嶠表
掌絲綸美佇看褒封到九泉

同諸公晚出西掖遇雨

彭璉

字汝器吉安人翰林修撰

晚朝初退下奎坡城闕沉、片雨過陌上草深看漸濕苑中
花落覺還多夜涼先到溫泉樹水色還添太液波歸到玉堂
更漏永坐來不寐聽鳴珂

題真上人竹茶爐

王市字孟敷無錫人

僧館高閒事。幽竹編茶竈。清氣蒸陽羨。三春雨聲帶。湘江兩岸秋。玉臼夜敲蒼雪冷。翠甌晴引碧雲稠。禪翁託此重開社。若箇知心是趙州。

元夕賜宴觀燈應制

人間元夕喜天晴。况復繁華在

帝京。鳳輦遙臨雙闕迥。鰲山高聳萬燈明。春風車馬填都市。夜月笙歌滿禁城。不是吾

皇重時令。要同黎庶樂昇平。

題畫贈陳孟敷歸吳門

綠槐官舍澹朝暉。回首鄉山子獨歸。去路只愁梅雨滯。到家應喜藥苗肥。青尊舊約呼隣酒。白苧新裁換客衣。吳下故人

如有問。每慚泉石久相違。

默齋

黎充輝

小之齋居若瓠壺。鴻荒世遠孰為徒。素琴久解無弦趣。大易深觀未畫圖。捐拙地爐春拍塞。梅花紙帳月模糊。金人重憶三緘口。更向行年省故吾。

故里松楸為曹御史賦

先隴荒之極。海天中朝遊宦感流年。祭田蕪沒寒雲裏。華表欲斜夕照前。夜月山空歸化鶴。春風花落怨啼鶯。繡衣謁告知何日。一酌樹漿兩泪漣。

仙隱為吉水劉日升醫士題

別却三山不記年。一壺偶向市中懸。蒼龍夜護燒丹鼎。白鹿春耕種玉田。洞客調羹和石髓。山童洗瓊候茶烟。無端栽滿

雲間杏 羸得清名與世傳

翠微深處為斗南禪師賦

四合峯巒擁翠埃青霞處處見樓臺泉聲時和松聲響雲氣
長兼雨氣來林際鶴歸微月露巖前虎臥煖煙堆老禪之起
無餘事坐看清陰護綠苔

松鶴軒

一軒瀟灑絕浮埃松倚晴簷鶴臥苔仙馭九霄乘月下海濤
五夜挾風來匡廬山寺集初結赤壁磯頭夢正回試理冰弦
彈古操金花釀熟紫霞醅

送鮮學士赴廣西參議

羅養蒙

夕掌絲綸在石渠又分旌節鎮邊隅
藩佐政資籌策便道還家重里閭
銅柱雲開通驛路鍾山日近望

皇都賜環應有天書至注目江頭候使車

次西野學士己亥元日雪

金縷曲

長樂鍾殘五漏微蓬萊天近六花飛
光含玉燭和元氣色湛瓊筵促曙輝
已放素華凝禁苑還飄落絮點朝衣
玉堂學士文章伯獻歲詞高和者稀

蝴蝶

粉翅蛾眉玉作鬚尋芳觸處足歡娛
曾從莊叟勞魂夢慣逐滕王入畫圖
寒戀晚香栖菊徑暖迷春色醉花衢
多情好是東京會幾共蜂媒伴素姝

雪獅

寒冰為骨水為神六出拳毛不汗塵
凍合鬣彫銀錯落光騰鬣鬣玉嶙峋
不呈物瑞先三白遙帶霜華貢九真
何事傷春

帝玉筋戲猶空訝後來身

咸陽晚渡

曾鼎字復敏吉安人四川僉憲

咸陽勝槩總荒丘惟有年之渭水流烟渚遠迷鴻鴈兩棹歌
遙度白鷗洲斷雲漠之秦川暮落木蕭之漢苑秋莫向渡頭
詢往事湍聲長帶古今愁

九日山中寄學士兄

別離無處不關情九復登高憶兩京一自天邊分鴈影幾回
江上聽猿聲迢之桑梓鄉心切并之星霜旅夢驚惆悵雲山
千萬里何時風雨會彭城

送王士華還家畢姻

李時勉

征馬蕭之背朔風長亭獨立送歸鴻昨來金榜名猶藉此去
藍橋路自通占夢已期冰泮後檢書猶在月明中離情杳杳

隨人遠直過吳山浙水東

送李暹主事使西蕃

遠使輪臺萬國西煌之玉節照金泥曉臨戎落聞蕃語夜宿
沙場聽馬嘶葱嶺去驚寒雪早玉関回望暮雲低能宣
聖德懷殊俗歸荷恩榮孰與齊

東郭草亭

曉出東城問路蹊綠陰深處紫騮嘶日烘花氣熏闌勻風送
鶯聲過柳堤清境况逢春色好高筵漸及夕陽西醉采走筆
乘餘興滿眼風光取次題

和胡學士中秋韻

萬里山河拱帝城秋清月色倍分明金莖沆瀣雲中出銀
瓮蒲萄醉裏傾幾處歌鍾催曙色九門刻漏送寒聲玉堂傳

得陽春曲更向通衢頌治平

送嗣慶揚先生告老歸鄉

熏風滿路逐鶯聲綠樹紅亭送客行
花底退朝雙闕迥山中
歸老一身輕舊聞潘岳閑多賦
此去龐公厭入城
疎雨滄江分袂處
夕陽回首不勝情

挽方正履端

東風欲暮百花開却恨斯人不再來
南郡遺民思別駕春坊
舊友惜雄才兩深路水銘旌去月冷杉關吊鶴回
悵望閩山松栢裏玄猿啼處不勝哀

送楊郎中寧南征

劍佩朝辭虎豹關獨騎駿馬佐平蠻
宣威直過泮河外料敵
多從尊俎間潞渚南行三月雨滇池回去萬重山
明年此際

薰風裏遲爾鳴珂奏凱還

陳廷珪挽詩

更哀情深世所稀更能相顧到園桑
三年不盡連枝會萬里
空將旅襯歸草綠寒塘悲暮雨花殘荆樹怨春暉
不堪洒泪長為客愁向西風見鴈飛

挽莆田方處士

棲遲林壑樂幽閒三徑蕭疎翠竹間
石磴穿雲朝採藥松窓
過雨曉看山還疑落日携琴去不見滄江罷釣還何處
更尋陶處士空留五柳閉柴關

羅都御史過訪

十年持節鎮邊陲駟馬高車獬豸衣
名著青霄凝日彩令行
紫塞肅霜威曉追羯虜長臨陣秋觀

寵顏暫得歸寤寤橋門能枉顧頰令衰朽倍光輝

送友人朱善繼奉使南京

劉素字真白吉安人翰林編修

光庭奕葉著毘陵早歲英才愜宦情兩袖天香碎北闕幾程
春色到南京馬鞭應把秋金鑄使節宜陪書錦榮羸得玉堂
名侍講贈行詞翰重瑤璫

送陳侍郎洽之安南

黃守字約仲莆田人翰林檢討

交州南望海冥之蜃兩壘烟幾日程天府策勲惟左轄島夷
歸化候前旌嶺嶺啼處舟中聽柳酒香時馬上傾節鉞臨邊
多善政文星夜之動閔城

出北京

昨夜微霜下薊門悠悠歸佩拂寒雲心懸霄漢隨鵝序夢落
關河見鴈群萬里烟光連海迥孤城樹色到江分官船已解

沙頭纜回首西山澹夕曛

暮秋留別吳中諸友

蘇臺秋色雨中殘斷鴈踈砧送早寒白髮不辭今日醉黃花
猶作故園看誰言世路知心少自是人生會面難無那明朝
江上別宦情離思共漫漫

送朱善繼使南

尹鳳岐字水人翰林

南國山川舊帝畿皇華駟牡去駢々柳垂林下禦絲千縷花繞
宮墻錦一圍朝士共誇文度至鄉人爭羨買臣歸明朝異北
相思處烟樹蒼茫夕照微

題樓節婦卷

趙友同

字彥如華亭人御醫

痛惜平生志願違百年偕老事全非青春竟負梁鴻案白髮
空存孟母機奉祀潔心朝釀秫抱孤和泪夜縫衣辛勤贏得

詞臣筆吳越江山盡有輝

元夕觀燈應制

驚背神山擁翠微良宵春色滿彤墀金蓮暖映高低影火樹
齊分遠近枝仗外仙韶風細之雲端清漏月遲之要知此會
真難得恩及黎民共樂時

病起來宗載黃繡衣

潛滇

字彥鵬號青雲高安人按察副使

雙槐屯翠蔭紗病起那堪旅思餘臥榻幾驚心夢草觀書
猶覺眼生花愁看曲檻飛春燕殿聽高臺噪暮鴉寄語多才
名柱史等閑過我煮新茶

奉贈吏部侍郎黃宗載

經濟才華屬老成歷敷中外動蜚聲恩頒鸞誥榮三代位列
天官亞六卿人物一時歸藻鑑衣冠四海望銓衡誰知富道

能忘勢肯顧寒微叙舊情

鳳嶺朝雲

鳳凰山勢鬱崔嵬晝日浮雲掃不開斜度青林漫竹樹高飛
畫棟護樓臺應時已見從龍出潤物還看挾雨來老我携書
將入覲願隨遠步上蓬萊

分題得扶胥浴日送黎思聰還儋州 楊肇初

若木星沉曙彩紅天鷄啼徹海門東雲中太乙扶双鳳海底
羲和駕六龍沉瀛晨光耀彩筆波羅樹色送征蓬懸知別後
相思處應上毗耶望

贈方立生

郭泰初

增城人訓導

手袖青蛇出洞中昂之野鶴別孤松來經大庾三千里看盡
羅浮四百峯碧眼靜窺閑世界金丹不老瘦形容素心久有

尋真約擬共滄霞跨玉虹

行經華陰 谷定人 福州

雲間太華倚三峰積翠遙連漢水東
遠塞雁聲寒雨外 歸宮
山色暮煙中 秦關日落行人少
樓時天陰古戍空 寂之武皇
迹幸慶祠前木葉起秋風

登岳陽望洞庭

對酒平臨百尺闌 洞庭南望楚天寬
中流雨散君山出 故國
風高夢澤寒 帆掛夕陽鵬際沒
波涵遙月鏡中看 登臨最易
輕軒冕 惆悵滄浪羨釣竿

○ 輓提學孫御史鼎

羅通 吉水人 右都御史

泮水橫經不憚勞 親承 寵命督時髦
繡衣照日 天章麗 傳簡飛霜
豸角高 畿甸諸生題席榜 羽林多士學龍韜
可憐

一 夢歸泉壑 研研玄猿對月號

○ 追和岑補闕早朝之作

高棟 字廷禮 福州人 翰林典籍

明光漏盡曉寒催 長樂踈鐘度鳳臺
月隱禁城雙闕迥 雲迎
仙仗九重開 旌旗半捲天河落
閭闔平分曙色來 朝罷珮聲
花外轉 回看佳氣滿蓬萊

寄許瀾伯

張辰 字朝宸 號端居 松江人

水泊山棲分自甘 我留君去意何堪
幾回雨雪三槎上 強半
鷺花五塢南 宰木空慚歸遠屐
扁舟猶憶載餘酣 從今莫惜
頻相顧 燈火虛齋遲咲談

懷樓文淵先生

徐軾 字汝成 蘇州人

一 冬別去白雲鄉 甥館優游興甚長
玉軫書彈風入戶 錦衾
夜臥月侵床 寸心千里恒相憶
心尺素孤鴻遠寄將 試問歸期

定何日碧桃花下醉金觴

○登太行次索用中韻

路繞羊腸躡屐躡萬山金碧松堪題舉頭日月中天近極目
乾坤五嶽低自笑鹽車騏驎心誰怜枳棘鳳凰栖欲投古寺
禪房宿喜見僧歸落日西

悼江陰朱筠谷

錢曰禮部侍郎

筠谷多年自卜居閑心應與世情疎鳥啼村巷春風裏花落
林塘夜雨餘投跡已同盤谷隱閉門不著茂陵書那堪處士
星沉後却使行人淚滿裾

度居庸關

陳耘字耕人浙江會稽

馬蹄踏雪度居庸羅列諸峰盡戰同紫氣南瞻天日近黃沙
北望塞雲空安邊盡出

君王略設險無如造化功關吏不須頻擊楫喜聞胡寇遠潛踪

○送李尚書出守興化

聖君圖治日維新出守推恩任老臣
畫省久知勞補袞黃堂暫假去安民
關西自昔稱楊震河內于今委寇恂
行見閩山添喜色瘴烟從此變陽春

輓筠谷朱士銘

筠谷幽居六十年等閑一夢劫塵緣
竹林惟剩燒丹竈春水空遺載酒船
執紼豈無親交誼傳家賴有子孫賢
生平善行知難泯太史為文勒墓前

春日同劉侍郎遊白雲觀

柳暗花明澗景遲尋真偶得到仙祠
洞門春盡雲還鎖松徑人來鶴未知
星帔嘗聞埋此地桃花不記種何時
宦遊久作

仙遊夢喜得相從一問師

遊靈岩次虞都御史韻

石磴穿雲入亂峰
松陰停騎扣禪宮
樛廊芳草人在香
迳春風花自紅
千古琴臺空對月
六時花雨但聞鐘
危闌俯瞰平湖近
一曲漁歌感慨中

大梁八景次都御史王公韻二首 劉士皆

寶刹浮圖聳碧空
霜天處處坐聞鐘
繁臺春盡花如霧
汴水秋深夜亦風
月映周橋千頃碧
烟凝隋柳一堤濃
黃河日夜濤聲急
似出金明雨意中

大河東下鼓飛濤
汴水秋風日夜號
隋氏堤邊千樹柳
梁王臺上萬株桃
兩餘荒沼金明廢
雲散長空鐵塔高
祇好石橋明月夜
醉聽相國吼蒲牢

會盟臺

百尺遺臺土一丘
齊桓曾此會諸侯
宗周義重名猶在
軟血功高事已休
五禁盟言昭日月
百年霸業著春秋
我來吊古多傷思
遍覽陳踪欲淚流

經陳平廟

梁棟高材冠玉姿
席門甕牖暫栖遲
里中作宰人稱善
天上封侯孰見期
躡足可回真主怒
間金能起霸王疑
平生功業多如此
不獨平城一策奇

河陰

教舍屹屹對峻關
廣武倉倉夕照間
一片雲生牛口峪
幾家入住虎頭山
英雄割據鴻溝在
王霸興亡白晝閑
往事茫茫只如此
臨風何必起長嘆

鎮平

百里雲山簇鎮平四時風景快人情
菱花池曉波光淨燕子崖深霧氣清
舊業獨憐先主廟遺蹤空見故侯城
登高吊古頻惆悵樂極翻令百感生

陝州

名伯棠陰翠作堆神農祠下總蒿萊
三門砥柱今猶在並蒂芙蓉久不開
繡嶺嵐光疑禹廟錦灘春色上仙臺
姚崇已矣齊賢逝翹首臨風憶俊才

送胡太守擢貴州憲使

周叙

敷歷中朝白髮稀一官趨拜出彤扉
新辭虎竹分金節重卷龍香滿繡衣
棠樹成陰循吏去福臺持憲遠人歸
多君早負澄清志此去應知願不違

洛陽懷古

春風吊古洛城邊一望川原思渺然
綠野堂堙而王宿燕天津橋廢不聞鶻
成周故國寒烟外汴宋諸陵夕照前
獨有澗瀍流水在滄波東去自年年

次武昌

三楚名藩地望雄層城百雉倚晴空
磯頭黃鶴仙人館雲表朱門帝子宮
控引荆襄天設險會通江漢水朝宗胡床吹
笛南樓興想得群公月夜同

題朱善慶竹泉卷

庭栽綠竹自清幽更引寒泉入檻流
鏡影淨涵淇澳曉玉聲遙夏渭川秋
陰凝翡翠烟光合潤浥簾櫳雨氣浮
更說蔣生能賦詠坐看三徑思悠悠

黃鶴樓

胡智

鸚鵡洲迴景最幽碧霄奇觀畫難傳白雲影帶滕王閣明月
光分度亮樓萬項江晴波湧雪四圍山曉樹涵秋不知近代
登臨客曾見仙人跨鶴遊

岳陽樓

危樓百尺聳蒼冥勢壓巴陵與洞達浩蕩水吞三楚白依微
山接九疑青騷人月下詩偏逸仙客雲間酒未醒我亦登臨
興無限直將衣袖拂天星

鏡湖歸老為張主簿賦

王暹

白頭謝事脫朝紳乞得歸來老此身近水竹居無舊侶過橋
苑屋有新隣雲林以看三竿日丘隴躬耕百畝春誰料季鷹

不樂後尊鮑風致屬字人

齋居春晚東沉介軒

陳繼字嗣初號耕樂姑蘇人翰林五經博士

兩入明光暫賜歸東吳文社又增輝傳經似我今非少交誼
如君古亦稀桂苑雨晴芳杜合柳塘春晚落花飛爾來對酒
論心事只說清宵夢紫勸

題王孟端畫次孟師軍中初回之韻

營邊風雪亂驚沙應念鄉園感差不為困窮詩更好却緣
蕭散畫名家乘涼每憶同暄月聽雨長懷共試茶聞道玉樓
招作記斷腸離恨竟無涯

賦得

野性耽迂百念輕幽棲隨處得怡情山依南郭家林好水入
西莊客舍清暖日野花常雜鹿秋風汀柳不辭鶯年來夢裡
添遊樂也逐漁樵結伴行

病中寄友人樓日宏

水隣臺榭喜無塵錦帳懸
擁病身紅樹夕陽驚歲晚
黃花風蝶誤時春
暫遠著屐登山客
仍愛移舟問字人
緣想高堂明月上
綵衣歡舞正娛親

藍關圖

張倫

字文

伯吳

瘦馬凌兢不可行
阿戎雪裡遠相迎
關山尚凜千年氣
草木猶含萬里情
自倚聖朝尊正學
敢將文字擅持名
空遺一掬英雄淚
獨立西風哭費生

次韻題王景瞻採藥詩卷

徐叔琪

號足菴雲間人

大醫院使

採藥乘秋不待閑
芒屨荷筇竟追攀
斲苓咫尺逾前嶺
尋木崎嶇涉遠山
曉出烟霞濃六裡
晚歸雲氣有無間
製成一品長生藥
活我元神駐我顏

題宋秉常錫山清心卷

丁珏

淮安人監

君往梁溪第一坡
當年遊宦記曾過
門前流水浮寒玉
屋後長松裊翠蘿
蘼蕪眠雲新婦
暗鷓鴣啼雨落紅多
君今已作青雲客
夢裏還思錦繡窩

項昂霄妻唐氏母女守節

陳仲述

吉安人

貞節相輝聞二婦
忍逢多難竟沉江
紅顏有恨成千古
白壁無瑕自一雙
慷慨昔憐心似鐵
品題今見筆如杠
後來多少乘軒者
空戴南冠枉豎降

送王公懋赴江西司

征

蔣昂

字士昂江陰人吏部主事

清曉承恩下玉墀
獨憐相見又分携
鯤鵬已逐風雲化
鸞鳳終非枳棘棲
行李半挑辭薊北
客程千里上江西
到官想是春歸後
綠樹陰中聽鳥啼

午日禁苑觀擊毬射柳進呈詩

禁城較藝慶端陽萬乘從容出建章
鳳聲和喧鼓吹龍蛇影轉動旌幢
穿雲毬度星初落貫柳弓開月滿張
四海臣民瞻盛事歡呼聖壽與天長

友竹軒為朱繼善賦 何忠字廷臣江陵人監察御史

芙蓉城下舊栖墜萬箇箕當是故知勁節獨嫌桃李態虛心不負歲寒期風生曲徑秋移席月上晴梢夜賦詩看取他年裁玉管虞廷爭覩鳳來儀

別柯堤知州

北闕當年同上書羈危近喜網羅除還官已是三秋後話別偏驚萬里餘白髮倚門慈母老青雲回首故人疎半生事業

空牢落安得尋山共結廬

題吳主事歸田圖 劉漢增城人訓導

天上歸來挂錦衣幽閑未覺髮如絲金章紫綬非無分白石清泉已有期冠蓋逢迎賓滿座鷄豚惟饌酒盈卮龍灘風月詩千首消得蕉黃荔熟時

寄梅雪包公謚 何澄字彥澤江陰人選部郎中

孤山謔說六橋遊別有文林萼綠仙適興每吟東閣句乘閑還放剡溪船香凝書幌琴裁譜冷沁茶鐺鶴舞烟遐想故家高致在欲拋簪組話歸田

挽朱筠谷處士 樓文昌字叔盛金華人饒州知府

憶昨扁舟過剡莊杖藜曾記繞池塘徑邊芳草春風綠谷口叢筠翠雨涼蝶化漆園塵夢斷鶴歸華表海天長王堂太史

銘真石宰木于今有耿光

挽友人

李昇

字仲高雲間人吏部郎中

童稚交游廿載餘南柯夢斷竟何如雲間翰墨名多著天上
經綸志未舒千里哀君今日淚一緘寄我去年書寒烟暮雨
埋新塚故舊襟期自此疎

登金山寺

試上金山絕頂遊城之南拱

帝王州雲連高閣天疑近浪拍迴岩地欲浮秀拔群峰低北
固勢吞九水屹中流興闌回首斜陽外水榭風亭處之秋

挽興化李太守至剛先任禮部尚書兼左春坊大學士

東吳鍾秀在斯文名重三朝屬老臣青瑣文章曾獻納

玉階禮樂舊敷陳靈隨丹旆歸十里夢斷黃堂限八閩賴有

寄情詩尚在一番展誦一沾巾

送人還江南

張思安

無錫人湖廣金憲

客裡論交獨有君君今別去復誰親關河似近初歸路歲月
如催久住人舟之曉雲迎驛騎飄之寒雪逐車塵江南到日
梅花發清夢應隨探早春

寄陳侍御德好

楊景衡

永嘉人福建參政

蚤聞蜚譽謁京華真有蓬心願倚麻吟想青雲我獬豸行逢
玉節照簾葭水壺烟之溥秋露宮錦英之粲曉霞定是別來
多暇逸夢清應見筆生花

歌風臺

羅坤泰

吉水人廣德知州

翠華遙指故鄉來隆準高歌亦壯哉海內風雲三尺劔沛中
烟雨數層臺斬蛇空洒秦靈淚戲馬長憐楚霸材二十四陵

俱寂寞古碑猶自枕蒼苔

次韻題項王戲馬臺 葉銘臻四明人

項羽城南百尺臺烏騅馳騁信雄哉
八千子弟雲從合百萬精兵席捲開
秦鹿共追鋒正銳楚歌齊唱志方灰
烏江渡口寒烟起獨立西風更可哀

寄鐵崖先生 錢岳字孟安吳興人元季居雲間任嘉縣丞

老仙才氣輕韓李流落江南道不窮
野史欲藏神禹穴直言曾上大明宮
蘭舟夜蕩鷗邊月鐵笛秋橫鴈背風
陶寫淮應賴詩酒薦賢何必效山公

次張茂才韻因送其還

十年奔走浙西東落日秋風兩鬢蓬
人物晉唐文藻盛江山吳楚伯圖空
孤舟海國鷗邊雨萬里揚州鶴背風
不盡平生

遠遊興著書甘作草堂翁

奉贈葉宗行大尹 潘賜字文錫蒲城人江西參政

賢侯為宰歷年多卓魯才名未始過
化雨一朝新禮樂春風百里沸弦歌
桑麻被野雲成幄桃李連蹊錦作窩
他日考功君上列鳳凰池上沐 心波

送太常寺丞葛 清隱致政歸廬陵 李學 字經論廬陵人主事

斬芝辭祭祿賦歸田畫錦輝煌雪鬢鮮
身逐鷗群欣解組夢隨鵝序憶朝天
江通白下寒潮落家近青原秀色連
獨惜別懷深似海故淹賓從醉離筵

遊澱山寺 朱思全永康人松江通判

魏二臺殿枕瓢湖停棹臨入畫圖每
向雲間懷二陸又來祠下謁三姑
鰲峰獨屹一濠外龍洞誰開混沌初
欲效淵明

同結社箇中還有遠公無

送常州王推府勃陞知蒲州

余璇字彥衡無錫人

六載推刑案牘清遠傳佳譽到神京風雷威令民心服冰雪

襟懷鬼膽驚柳染鵝黃春色嫩梅飛蝶玉曉寒輕蒲城父老

遙相望馬上觀山莫緩行

悼岳州府同知包師聖

王均德號雲逸無錫人

昨夜文星墜岳州何人聞訃不生愁考功未佩黃金印承召

先歸白玉樓一代衣冠著籍之半生琴劍恨悠悠翻思昔日

誦交地淚灑西風宰木秋

追和賈舍人早朝大明宮

谷庠

禁城曙色倚蒼、午夜珂聲滿建章三殿乍開銀鑰度九重

初賜紫泥香上林旭日仙花繞太液晴風御柳長自是君王

多雨露朝、侍宴沐恩光

羅溪隱趣為鄧善猷作

熊叔誠南昌豐城人

十年王事苦驅馳一旦家居隱計從夜雨長成隣舍竹秋風

吹老故山薇臨流洗墨看魚躍隔樹開軒放鶴飛幾欲拿舟

弄寒碧候門稚子咲牽衣

梳蹇忠定公

趙新富陽人吏部尚書

垂紳端笏冠朝班一夕遺榮遠

聖顏丙相問牛當孰繼丁公化鶴幾時還清風穆穆虛台鼎

厚德堂堂失太山歸櫬巴江渺千里臨風令我淚潺潺

登小孤山

王思諫增城人主簿

占斷馮夷紫翠都彭郎磯上影糝糊塵消滄海鰲簪出天設

雄關鐵柱孤舟楫只今來楚蜀衣冠無復限荆吳紉蘭欲共

靈脩語水府陰沉白鴈呼

勅借岐王九成宮避暑

趙哲

鑿鑿與遙幸醴泉宮深入烟霞紫翠重雲掩畫屏迎舞袖風清
水殿動歌鍾飛花香度樓前幙高樹涼生仗外峰自是此中
多勝槩群仙何必更相從

月夜泊江口和時大參韻

方正

字履端莆田人金華知府

舟泊江頭看浪花良宵况有月浮華一輪皎潔渾如洗萬里
澄清不見瑕王事有程當努力客途無恙豈思家與君賞玩
歡何極底用重尋博望槎

送鄉友樓屯曰歸省

胡文善

金華人吏部郎中

冬官分職負才名六載忠勤績有成歸省定懷慈訓重褒封
今荷

聖恩祭都門曉日離歌徹淮海秋風去棹輕富貴還鄉真

樂擊鮮醢酒話昇平

謝胡祭酒杖及草書

李廷儀

遠賜藤枝直不阿草書驚電走蛟鼉閑來把玩情無際老去
扶持力更多長日烟雲生四壁有時風雨出重坡草茅得此
空懷感報乏瓊瑤柰若何

送樓主事省親

鄭雍言

四明人太常少卿

蚤歲鄉闈曾擢秀清時即署久馳名九重錫寵龍章綯千
里還家畫錦榮堂北瑞萱滋曉露龍頭栢木送秋聲禮成奠
省歸朝日好展丹衷答

聖明

追挽死節元臣余文忠公公廟食安慶 張毅

結節魯倭舊祠宮一觀威儀一執中勁草不凋全節地高山
仰止丈夫風長星南墜心猶北落日西沉水自東忍過盡忠
池上路冷烟寒雨下哀鴻

題余文忠公廟

顧士和

保障東南第一人鎬衣十載老風塵羸兵福鼠猶思戰勅敵
登陣自殺身日月尚能明大節簡編應不負孤臣舒州城下
新祠廟千古流芳已勒砥

京師元宵

張徽

字大猷山西大
同人蘇州同知

都城佳節屆元宵寶馬香車滿市朝萬斛金蓮明午夜九天
銀漢烟中霄樓臺處、歌聲洽閭巷人々喜氣饒遙觀蓬萊
天咫尺五雲深處動蕭韶

送陳嗣初先生應

召之

天子龍飛海宇春徵書遠下起賢人謝安已慰蒼生望周黨
徒蒙世主恩好展佳謨動獻替要推聖道贊經綸此行何異
登仙去回首姑蘇入夢頻

謁延陵季子廟奉次熊大臣韻

辭國校閑似學仙邦家生亂豈其然身通禮樂推尊魯名列
春秋責備賢挂劍一時交誼重建祠百世典章傳豐碑高勅
延陵上聖筆由來健且圓

上巡撫熊卿

巡撫東南兩鬢斑自知憂國寸心丹五車書史探微奧一
代才猷贊治安寵錫屢煩綸綍降文章多上石碑刊丈夫
際遇今如此擬向凌烟畫裏看

送林侍御巡按得代還

朝

鏡鑿埋輪志不殊綉衣光映海東隅
震福山嶽民安只宣布
謨猷法繳如四郡善良馴治化三吳
奸宄賴祛除歸朝奏對
龍顏喜序績應看特筆書

由建陽入武夷道中作 方以正 永嘉人考

春陰花霧曉濛濛百疊芙蓉望不窮
曲澗碧添前日雨輕煙
斜度半溪風籃輿高下塵凡表黃鳥飛鳴錦繡中
回首鴉聲殘照外隔林遙見武夷宮

遊梅仙山懷古

九轉丹成去不還羽衣回首隔塵寰
數聲猿鶴淒涼後萬里
雲煙縹緲間寒暑代遷新歲月林泉勝旣舊江山
竭忠了却公家事袖拂清風百慮閑

姚貳守宅會飲對菊聯句席上賦二首

霜落黃花惜莫秋消閑詩酒互
譽酬三杯舉白拚沉醉五字
鏗金豈暗投和寡陽春難敵羊
韻嚴石鼎愧前修極知樗散
才何補四十無聞滯建州

醉餘岍憤一掀髯萬里雲煙
小物煎白鴈數聲來遠浦
千文落前簷人生幾見黃花吐
老去空勞白髮添欲罷還傾
賓主意青天回首月纖纖

春祀梨嶽道中作

撫景鶯花二月天東風紅雨點晴川
天開錦繡山如畫地長
攬草勝綿神德昭彰從古成
血人心瞻仰到今傳籃輿不覺
過溪曲雲閣岩堯紫翠連

宣德改元正旦試筆 張光啓 建昌南人

滴滴銅龍鼓五夔黃鷄唱曉
蛩燈紅

九重宣德恩波洽四海朝元拜舞同
殘雪護寒蕙草葶晴風吹暖入簾櫳
太平有像天威肅快觀扶桑日上東

送潘同知述職

鳳詔新頒肇紀元黃堂別駕去朝天
諸侯海會正正月九有

高呼

帝萬年瑞日暖搖宮扇影祥風香送御爐烟

龍顏有問當宣說巖穴蒼生總晏然

題徐與學竹所

新構書齋傍竹林讀書餘暇憇層陰
晴光穿破玲瓏玉綠地
平鋪瑣碎金雲過半沉丹鳳尾風立
小盡作紫鸞吟歲寒清節
真堪羨虛直相期許此心

過徐州

辭家迢遞到徐州萬里山河絕勝遊
百步呂梁洪共險兩河
汴泗水交流日斜古道彭城曠
風嘯荒臺楚樹秋對景謾懷
先哲好一襟清思在黃樓

公餘述所見

縣治蕭條似冷官眼前清致足盤桓
十年俸廩支難盡一井
廉泉飲不乾強項枯荷撐雨立
貞姿古柏入雲蟠細推物理
情逾好世事紛紜當靜觀

放龜

黎公弁

臨川訓導

靈物由来可決疑今逢瑞世爾何為
雖象藻梳藏身印豈似
泥塗曳尾時鑄印慙勲寧在望
負圖珍重更相期江湖好結
神龍伴負逐遊魚向水湄

喜雨

張潮宗

南豐人

銅鉦燄、火雲燒大地。山河草木焦，謝得五雷揮。月斧劈開
三峽瀉天瓢，潤活綠野。金穰實，冷潑紅爐火。燼銷喚起老龍
滄海夢，隔窓清夜響芭蕉。

文翰類選大成卷七十

